

# I CIINDI CAKUKAMANTANA

## A CITONDEZYO



Kwasiya kabotu. Coolwe kuba kokuno sunumasiku, a kwiima mu busena obu.

<sup>2</sup> Mebo, cifumo eci, nkešemuka mu mugwagwa...Ndali lekede kupaila, kulindila ku Mwami. Elyo nkešemuka mu mugwagwa, Nda jula i—i ku mukutausi waa redio, Mukwesu Smith, mukwesu uusiya (sena mwa mumvwa nyoonse cifumo cino? Kuli umwi wanu na?) kutala ku, Nda syoma mu Ohio. Muntuumwi wali kundaambila kujatikizya nguwe kakambauka, a kuti, “Mweelede kujula a kumuswiilila,” mbuli boobo.

<sup>3</sup> Nda citika buyo ku mujana, cifumo eci. Elyo wali kwaamba ncobeni kujatikizya obo cibi mbo cakali kuya buvula mu inyika sunu, elyo wa li...Elyo Nda cinca kujula aambeke aniini, sitieshini kuzwa eyo, elyo ndaselemuka a kumvwa imbi. Ciindi ni Nda selemukila awa, Ndali kutandila kulibambila, kubona kuti na tii camanide kale ciindi ca kuboola ku mbungano, cifumo cino ni Nda sika. Aboobo, tula a coolwe maningi kuba kokuno sunumasiku, a kubeleka mu mulimo wa Mwami.

<sup>4</sup> Elyo mu kwaambaula kujatikizya Mukwesu Neville, a mulumbe buzuba bumwi, ku mulindu oyu muniini, mucizi wesu oyo wakazwa ku tusiya. Oyo wakali, toonse tulizi kuti wakali ni, walo Mucizi Weaver. Elyo mukuyeeya kujatikizya muntu awa, mu kubapatizigwa sunumasiku; waa...Nda kamubbizya mu ciziba eci cindi ni Nda...bakacita kumuleta kuno mu whilucceya. Waa kali mukufwa, ku kkulenge, elyo waa kajisi buyo busiku obo bwa kupona; bamadokotela baka mulanzia meso biyo, waa kali kuyooftwa cifumo citobela. Elyo Nda kaunka mu ng'anda yakwe a kusola kubandika kuli nguwe kujatikizya kuponesegwa kwa Buleza, elyo wakazumanana buyo kwiinduluka, “Nse elelwi kuti ube mung'anda yangu.” Waa kati, “Nse—Ta ndeelelwi ku mukutausi kuba mu ng'anda yangu.” Waa kati, “Ndime sizibi.” Pele waa kati, “Munene, Nse yandi kufwa mbuli boobu.” Elyo aboobo Grace Weber, kutala kuno, kanditola kunselelo kuya. Nda kazwaa kusika, nkekatete kuzwaku miswaangano; elyo kuya cindi ni Nda kali ku mupailila, a kubala Lugwalo kuli nguwe, nkabela waa kafutulwa. Mpawo, waa kali kukakilwa kutambika janza lyakwe, pele waa kali kuyanda kusukana maanza a bantuboonse. Waa buyo...cintucimwi caka citika kuli nguwe.

<sup>5</sup> Elyo kuciindi nibakali kusukana maanza, Nda kabona cilengaano ca nguwe kaunka ku cizangala ca nkuku, a kujokela.

Nda kati, “Mbubo, kuyooaba kabotu lino”; nkabela eyo myaka iili kkumi alusele yakainda. Elyo waa kali aambeke kubulwani bwa kkulenge eliya, kuzwa kumatalikilo. Ikuti na kafwa. . . Ta akafwa ku kkulenge, waa kajisi kulwanwa kwa moyo nkabela kwaka mujaya. Ba kamubikkide muli cakuyoyela; waa kafwa mu kulwanwa kwa moyo.

<sup>6</sup> Elyo mpawo Nda kali kuyeeya, kumamanino buyo cindi bantu nibakali kuzwa, elyo ba kaimba, *Mpawo Jesu Wakasika*. Eco ncencico cini cakacitika, Wa kasika a kuvuna buumi bwakwe kwa myaka eyo iili kkumi alusele. Elyo Nda kayeeya, “Obo mbo celela.” Oyo mwanakazi antela taakazi kuti waa kali kucicita mbuli boobo. Mpawo, alubo, andiza waa kalizi. Pele obo buyo mbo cakali kweelela kuba a cibeela eco okuya, *Mpawo Jesu Wakasika*.

<sup>7</sup> Lino nkusyoonto kakutana, Ndi—Ndi langila, kutalika kwangu kupati kwa miswaangano. Nda libilika kapati. Cifumo cino, Ndali nyongene loko, Nda kaunka kutala ku—ku yopaila. Elyo Ndi—Ndili ku ng’anda, kujokela kuno. I mukwasyi, kabatola buyo ku Arizona, alimwi Ndili. . . aboobo bana bakanjila cikolo. Elyo Nda jokela kuno buyo ku—ku baanga nkupumuna, kuunka ku kuvwima a Mukwesu Wood a nkamu ya bakwesu bakuno; kuunka ku kuvwima, ku mvwiki eyi iboola. Tuya kunselelo mu Kentucky. Elyo Nda kali. . . kuba ko. . . Nda zoobako buyo buzuba obo—obo Muka. Weaver mbwakafwa, elyo cili kabotu buyo kuti Nda konzya kuba kuno a kugwasya Mukwesu Neville mu dilwe eelyo.

<sup>8</sup> Elyo Nse soli ku. . . Nse soli kwa—kwa amba kunji kujatikizya ndilyo, nywebo mulizi, koonse ku bantu kutongauka. Nkaambo, Ndi yeeya kuti, cimwi ca zintu zibyaabi kapati nku bona i—i mwaalumi na mwanakazi oyo utongauka cakuzumanana. Nda kali kuyeeya lyoonse, “Leza, kondi tantamuna kuli eco.” Mwabona, eco—eco cikompamya lusyomo ciindi coonse, nywebo mulizi. Nywebo buyo—nywebo buyo. . . ikuti nywebo—ikuti nywebo. . . Ndi lizi mbuli mbobaya bukomena maningi, umwi aumwi wesu, tu yooba a cintucimwi cicitika a cintucimwi cicitika. Elyo Ndi lizi zintu ezyo ziniini ziyo zumanana kuya buvula, nkuti mbuli mbomuya bukomena maningi, zyeelede buyo kuba. Pele Ndi yeeya kuti cimwi ca zintu zibyaabi kapati, nca Saatani kuba a luzundo ku buumi bwa muntu: mudaala na mucembele utongooka cabukali, nywebo mwabona. Nda—Nda syoma kuti Nsi kasiki ku busena obo. Nda syoma kuti inga Nda cikulika, mikuli yangu, a—a kusika ku kasena oko. . . Ndi yanda buumi bwangu bukabe a luzundo lwa Bulemu bwa Leza: kukkazikamoyo Kwakwe, buuya, luumuno, lubombo, a kuzuzigwa Muuya Uusalala.

<sup>9</sup> Elyo Ndi. . . cimwi ca zintu zyangu zipati eco cindicisa moonse mu buumi bwangu, lyalo ndipenzi lya kulibilika. Kutu cindi Nda katala kapati, mpawo Nda dekela maningi. Ndi ba. . .

kubaanga nkulimvwa mbuli kuti kunyina ukubikkila maanu, nywebo mulizi, elyo—elyo uli koonse... Uli kujisi, akwalo. Elyo Nda kaba biyo a kwiindila loko kwa nkuko, nywebo mulizi, elyo cilabija maningi cindicimwi, elyo Nse konzyi... Nku zundikizigwa, elyo oko nko kukucita. Elyo Ndila sika ku kasena mpawo kuti ziindizinji, kanjikanji ku zilengaano ezyo zinji loko, nywebo mwabona, kula ndijata kasimpe. Nda langa ku muntu, Ndi yeeya kuti, “Eci ncilengaano. Peepe, peepe, peepe, tacili ncico. Iiyi! Enco na?” Nywebo mwabona? Elyo tamu mvwisyi buyo kuliyumya mu kuzwidilila kwiinka a ncico. Aboobo mpawo—aboobo mpawo ula—ula libuzya. Mpawo watalika kuyeeya, “Ee, uli...” Mpawo wa ziluka a kuti, “Ee, lino, ncinzi—ncinzi nce Nda cita? Mpaawa Mpendi, Ndili—Ndili a myaka iili makumi osanwe yakukomena nkabela taakwe nce Nda citila Mwami; alimwi Ndi—Ndiya bukomena. Elyo ncinzi...? Oh, ma.” Mpawo ujana buyo... eco nco twakali kwiita kuti “i kupengaana.” Nobamwi nywebo bakwesu batandila mukukomena kwangu mula yeeya nco bakali kwiita kuti “kuba a kupengaana.” Taata wakali kunga ula kukanana elyo Nda kali kulibuzya nca kali kupandulula, elyo Ndi lizi kasimpe lino eco ncakali kupandulula. Aboobo mpawo, ulaba a kulimvwa mu nzila eyo, kwalo taakwe yayo iluzi; nduwe buyo, yebo uliizi. Mwabona, yebo uliizi, nduwe buyo ucita eyo.

<sup>10</sup> Aboobo Nda kali kusola ku litontozya lwangu aniini lino, a kulibambila ku—ku ncito mpati njumu kuzwidiliza eyo Nje langila iboola linolino. Elyo mpawo kwiinda... Nde elede kuunka ku New York ndyonya biyo, elyo Ndi... ku muswaangano kutala kuya, mulimo wanguzu. Elyo mpawo kuselemukila ku Shreveport, mpawo kujokela ku Phoenix. Elyo mpawo kuzungulukila kumbo... munyinka wakumusanza wamu United States. Elyo mpawo bali mukubamba mabambe aa kumasi ambi lino, kutalika cakufwambaana mbo tu konzya kwainda matalikilo aa mwaka, ambweni Miyoba, Mukubwekaangala, cintucimwi mbuli ceeco; oko nko mutalikila mu Stockholm na Oslo, a kwiinka kuzunguluka inyika, ikuti na twa konzya ku lweendo olu lutobela.

<sup>11</sup> Elyo lino Ndili ku ng’anda, kubaanga nku pumuna aniini, kuba a kubaanga nku katalukwa. Elyo ikuti na Mwami wayanda, Ndiyo joka Munsondo itobela, kuzwa kunselelo mu Kentucky. Elyo—elyo ikuti na cili kabotu, cila kkomansya ku Mwami, a Mukwesu Neville wazumina; ee, Ndiyo sola buyo kuba a kuswaangana Munsondo itobela, ikuti—ikuti na Mwami wayanda. Elyo ikuti na Ula yanda mbuli Mukwesu Neville mbwacita, Ndi—Ndi nooli kokuno. Iiyi munene, Uli buyo mbuli... ikuti na Ula yanda kujatikizya ncico mbuli Mukwesu Neville. Nda syoma Mbwa cita. Lino, mwabona, mpawo Ndi lizi Ndili muni, ikuti na Mwami wayanda, Nse nooli a ndinywe kwa ciindi cikubwene.

<sup>12</sup> Elyo Ndi . . . milumbe biyo misyoonto, mbuli Mbwe bweza cintucimwi ciniini ku moyo wangu, mpawo Ndi—Ndi—Ndi limvwa mbuli kuti Ndi yanda kucitondezya kuli ndinywe, nywebo mwabona, elyo tula konzya kubungana ali ncico. Lino, Ndi jisi misyoonto yayo iikubwene, yosanwe na ili cisambomwe eyo yakasika buyo kuli ndime mu mazuba masyoonto aainda. Elyo Nda kaunka, kwa mazuba masyoonto kuno, kuvwima basikaale kuno kumasena. Elyo Ndila njila musokwe, elyo a kulitolela penso a pepa. Mwabona? Lino kutandila ciindi kwaba kabotu a isikati, Nda yaama kulwisya ku cisamu ku busenabumwi. Ikuti na tii Ndo ona, Nda talika kukomba, elyo mpawo Mebo, Mwami ula ndipa cintucimwi, Nda talika kulemba aapepa malembo masyoonto aa ncico, nywebo mwabona. Nywebo mulizi Nce pandulula; ciindi wanooli olikke, elyo mpawo ula . . . Mpawo mpaawa Nda sika, ku cilemba coonse mubuce aapepa lya kabbuku. Elyo mpawo cindi Nda itwa, Ndi zuzila kumwi akubweza kabbuku kangu a kuka langalanga koonse a kubona eco Nce konzya kutalisya, nywebo mwabona. Eco ncica kacitika calino biyo.

<sup>13</sup> Aboobo lino, Ndi yanda ku, ikuti na Mwami wayanda, ku kanana buyo . . . Ndi sola kubamba . . . ku cesya milumbe, yalo mipati milamfu, nywebo mwabona; awo mpoikutolela maoora. Elyo Mwami waka ndigwasya ku cita mulimo mubotu mufwaafwi wa nguwo ku Chicago, busiku bwa kainda okuya, kutandila maminiti aali makumi otatwe. Elyo muntuumwi wa kasika, a kuti, “Nseeli kuyeeya kuti cali muli nduwe, pele waci cita!” Aboobo maminiti aali makumi otatwe, kuzwa kutandila maoora obile acisela, na otatwe, nywebo mulizi. Aboobo ambweni inga Nda konzya kufwambaana sunumasiku a kuba a kwiiya kusyoonto, kuta mujata kwa ciindi cilamfu maningi.

<sup>14</sup> Leza amu longezye. Kunyina makani oko nku Nda kaunka lyoonse, takukabi busena mbuli cikombelo eci okuno. Walo muunzi, muunzi mubotu. Elyo Ndi mvwa luse ku mukwasyi waba Weaver. Elyo a mukwesu oyu muyandisi uusiya oyo wakafwa, Nda ka komba a nguwe kwa kaindi katana unka, elyo siciimo cibotu. Elyo uli ku Muunzi a Leza lino, elyo kwamana koonse. Elyo inga uleelede kuunka nekuba, elyo toonse tu lizi obo. Aboobo tuli . . . akube kuti Mwami apumuzye buntu bwabo mu luumuno, elyo buzuba bumwi tu langila kuyo swaangana mu Nyika ya kutala, oko kutakwe kuciswa, buusu, na lufu. Kusikila leelyo, atu cite buyo zintuzyonse nzyo tukonzya ku Makanimabotu.

<sup>15</sup> Kukanana kuzundikizigwa, Ndali kukupailila cifumo eci. Ncinzi ncooli kunocita ikuti nootaka jisi kuzundikizigwa? Ko ciyeeya buyo. Kuzundikizigwa ncibeela ca buponi. Eco caka baanga candiyumya cindi ni Nda kayeeya obo. Ikuti nootaka jisi kuzundikizigwa, nowali mbuli cidooli catusila, nokunga

nootaka jisi kulimvwa kwamubili kuli koonse. Nokutakwe cintu ncokali kukonzya kubeleka. Mbuli mulumi a mukaintu, ambweni ikuti na waa yanda kucita cintucimwi, elyo basola ku belekela antoomwe (kanjikanji Banakristo), elyo umwi uyanda. . . Elyo mpawo cindi mwaboola antoomwe ku. . . waziba eco ncaa cita; waa ziba. . . Mwabona, kuzundikizigwa kumu swaanganya maningi. Elyo muntuumwi wa kwaambila kuti, “Ee,” kati, “koyeeya buyo mukaintu muniini oyo wakainda mu kuzundikizigwa cindi noota kali kabotu loko,” na “mulumi wakainda mu kuzundikizigwa cindi noota kali kabotu loko. Mpawo cindi koonse kwalekelelwa, langa obo mbo kalimvwa kujatikizya nguwe. Ma, yebo buyo. . .” Mwabona, weelede kuba a kuzundikizigwa. Kwa mana.

<sup>16</sup> Elyo koyeeya buyo, zya kulimvwa, ino kuti nootaka jisi kulimvwa kuli koonse, kwiina macise na taakwe? Ino kuti nokwaatali kucisa nokuceya? Nokunga to jisi kulimvwa nokuceya. Mwabona? Elyo ikuti notali jisi kulimvwa, mpawo limwi lya magano ako neli tako. Mwabona? Aboobo, mwabona, zintuzyonse zili kabotu buyo nekuba. Aboobo, “Leza, kotupa buyo luzyalo lwa ku kuzunda,” eco nce cintu. Ikuti na twaima buyo a luzyalo olo, a kwiima awo a kuti, “Tu lizi kuti cindi obu buumi bwamana, bumwi bupati buli ku lubazu lumwi oko nkotu langila kuunka.” Elyo lino, tu—tu layeeya kuti zintuzyonse ezi, oko nkuzundikizigwa.

<sup>17</sup> Kutu, bantu bamwi basola kuzibya Bunakristo, kuti “uli angulukide ku kulibilika. Uli. . .” Peepe, toli obo. “Uli angulukide ku kuzundikizigwa.” Oh, peepe! Ula yungizya kuzundikizigwa cindi waba Munakristo, nkaambo wakali kubaanga ngu sikulikwaya, walumwemwe utabikkili maanu kuli ziboola, kufumbwa mbo cakabede kumasena kuya, kotalanganya nco kacita.

<sup>18</sup> Pele cindi waba Munakristo wini, ziindi zyoonse ula libuzya, “Sa Ndi botezya Mwami wangu? Ikuti Nda konzya kumvwa kuzwa kuli Nguwe!” Ci kubikka mu kuzundikizigwa, ku kubikka mu kupakamana. Eco nce cikubamba mbobede. Eno nekubaboobo, kuzundikizigwa ncilongezyo. Ni nzila biyo mbo kulanganya. Ni nzila biyo mbo kulanganya. Mwabona? Ikuti na walanga ku lubazu lumbi, kuli—kuli. . . Takukwe makani mbo tendulula kufumbwa cintu kuti ciceye, ucino jisi mabazu obile kuli ncico, nywebo mwabona. Aboobo uyanda kubona mabazu obile.

<sup>19</sup> Aboobo kuzundikizigwa. . . Ndi yeeya kuti, “Oh ma, nci. . . Oku kuzundikizigwa niinzi? Ikuti ni Nda kazyalwa kakunyina kuzundikizigwa oku.” Ee, ikuti ni Nda taka jisi kuzundikizigwa oku, ni Nda tali mbo Ndi bede. Ni ndatali Munakristo, antela. Kwakali kuzundikizigwa oku kwaka nditontela kuli Jesu Kristo. Mwabona? Aboobo, cali cintu cileleka kuli ndime.

<sup>20</sup> Aboobo mpawo, mbuli Paulo mbwa kaamba, mbuli mu kaambo cindi na kajisi kuzundikizigwa na cintucimwi na cimbi, wa kalomba Mwami ku—ku gusya kuli nguwe ziindi zyoatatwe. Elyo Mwami wakati, “Saulo, Ma... Paulo, luzyalo Lwangu lulazulila.”

<sup>21</sup> Wa kati, “Mpawo, Ndiyo likankaizya mu makompamo angu. Mpawo cindi Ne kompeme, Ndili muyumu.” Mwabona? Kufumbwa kuti nkwa luyando lwa Leza, kuli kabotu.

<sup>22</sup> Lino, Nda ka Mu buzya ciindi cimwi nikwakali ku ndipenzya kwiindilila loko, kwaka ndiyoosya. Elyo Wa kandaambila, kutandila myaka iili lusele na kkumi yakainda, Wa kati, “Ta kuka kuyoosyi alimwi.” Elyo taakwe nokwa kacita. Peepe, munene; uta—uta libiliki kujatikizya nkuko. Ndi kumvwa buyo, pele Ndi lizi nkokuli; pele Ndi zumanana buyo nkaambo taku cindi yoosyi limbi, lumbide maningi kuli ceeco.

Lino, Na kaamba kuti, “Taku cikabi limbi,” mbubonya biyo mbuli kuti, “To kayoowi limbi.”

<sup>23</sup> Aboobo nduyando Lwakwe kuti kula citika, aboobo Ndi kutambula buyo a kwaamba, “Nda Ku lumba, Mwami, Ndiyo enda munzila eyo.”

<sup>24</sup> Lino, atu kotamike mitwe yesu kwakaindi buyo kaniini ku—ku mupailo. Sena kuli nkumbizyo insalesale ya mupailo? (Nda bona tusila tuli bikkidwe awa.) Kotambika janza lyako. Mwami, leleka umwi aumwi wa bana Bako.

<sup>25</sup> Taata wesu Wakujulu, mbuli mbo tu swena lino ku Cuuno Cako cipati cabwami cabweebesi, ica luzyalo, nkaambo twa katambwa kuboola. Twa boola ku kulaililwa kwa Jesu Kristo. Elyo twa boola a makataazyo esu oonse, a kwabikka ali Nguwe nkaambo Ula tu cebuka. Ino nduumbulizyo lupati mbo lubede, ku ziba kuti Ula tu cebuka. I Leza mupati wa Julu, Mulengi, uutu cebuka, to bulenge Bwakwe. Tuli kkomene loko nkambo ka ceeco, Mwami. Ino nduumbulizyo mbo lubede mu ziindi ezi nzyo tupona, cindi noku boneka kukonzeka ku—ku nyonka kuumbulizigwa kuzwa kutakwe pele Ijwi Lyako. Olu nduumbulizyo lwesu, calo Neisyomezyo Cako. Elyo mu Cisyomezyo Cako, Wa kati tu zibye nkumbizyo zyesu, alimwi “Ikuti na muyo lomba cintu cili coonse mu Zina Lyangu, Ndiyo cicita.” A Zisyomezyo ezi zyoonse zipati: “Amulombe nkabela muyo tambula. Amwaambe ku dundu eli, ‘Ko zyuka,’ nkabela muta zumbauzyi, elyo liyo zyuka.” Zyoonse Zisyomezyo ezi, elyo inga twa nyonka kuzwa kuli Eco cini buyo nco tu lomba.

<sup>26</sup> Maanza atambikwa, bayanda cintucimwi, Mwami. Uli zyi kubula kwabo; ko kupa, Taata. Nda bikka nkumbizyo yangu antoomwe a zyabo kumbele Lyako, janza lyangu antoomwe aabo. Mpaawa kubikkidwe aa desiki eli awa, tusila katubikkidwe awa. Oh, obo mbo bajisi lusyomo, lusyomo lubotelezya, Mwami... Ku boneka kuba buyo cintucimwi eco Nco kandileleka kwiinda

kuli ncico, kukonzya ku kombela bantu baciswa. Kufumbwa kubusena, kuli koonse, kufumbwa kubusena Nkwe unka, ncutucimwi kujatikizya ku kombela baciswa. Leza, kogwasya lino. Nda paila a lusinizyo kuti Uyo vwiila nkumbizyo zya tusila otu twa bikkwa awa, ku bantu balomba. Lekela luse Lwako lube aali mbabo.

<sup>27</sup> Mwami, twa mvwa kuti Mucizi Hicks ujisi mwanakazi awa, oyo wauluka lweendo loonse kuba kokuno kuzwa kubusena bumwi kutegwa azokombelwe, ku kkulenge; alimwi kuyanda kuziba kuti na inga wamuisya okuno. Nda lombaa, Leza, kuti Ko vuna buumi bwa muntu ulya; ko cipa. Mujwa wangu muniini, Mikie, ulilede kutala kacisidwe a kuluka, a ntuntumaanzi nkali, wazwa kuzwa buyo ku mulyango. Mwami, Nda—Nda syoma twa jisi mupailo wa lusyomo okuya kuti Wa ilesya, alimwi Ndi—Ndi—Ndili lumbide kuli Nduwe, kulimvwa kuti ntuntumaanzi yazwa ku mulombe Nke tana zwa mu kaanda.

<sup>28</sup> Lino, Mwami. . . alimwi kulumba Nduwe nkambo ka zintu ezi zyoonse. Lino mbulizi bwangu bwa kukanana Ijwi Lyako. Ko tupa Ijwi Lyako, Mwami. “Ijwi Lyako Mbwini.” Koleleka buntu bwesu a ku tupa i—i luzyalo olo ndo tubulide, kuti tu cikonzye kunyonka kuzwa ku Zisyomezyo zya Leza sunumasiku, mu Ijwi, ku tumamela moonse mu mvwiki eyi; ko cipa. Koleleka mweembezi wesu, muntu sicamba, mukaintu wakwe, bana bakwe, bamadaikona, basyomesi, a bantu boonse abo banjila na kuzwa mu buyake obu; ko cipa, Taata. Mu Zina Iya Jesu Kristo twa lombaa zileleko ezi. Amenii.

<sup>29</sup> Lino, Ndi yanda kubala kuzwa ku masena obile aa malembo aa Mwami. Ndi yanda kubala lutaanzi kuzwa mu Bbuku Iya Ntembauzyo, Ntembauzyo 86. Elyo mpawo Ndi yanda kubala kuzwa ku Musalali Matayo, cipati 16, 1 kusikaku 3. Elyo Ndi yanda kubala cibeela ca Ntembauzyo eyi, kutali coonse ca njiyo pele aansi kutandila kampango ka 11, ako kaindilila aniini ku cisela ca nkako.

<sup>30</sup> Elyo Ndi yanda kwaambilizya ceeci, ikuti na Nda ita cibalo, Nke tana kambauka ali ncico: *I Ciindi Cakukamantana A Citondezyo*. “I Citondezyo ca ciindi cakukamantana,” eco cili mvwisya kubaanga nkunyonganya. *Ciindi* (Mwabona?) *Cakukamantana*, ciindi cakukamantana, obo mbocibede lino. Elyo *Citondezyo* ca ciindi eco cakukamantana.

<sup>31</sup> Mu—mu Ntembauzyo, mupailo wa Davida, Ntembauzyo ya 86.

*Cenjeka kutwi kwako, O MWAMI, kondi mvwa: nkaambo Ndi mutengwana a uupengede.*

*Bamba buntu bwangu; nkambo Nda salala: O yebo Leza wangu, futula mulanda wako oyo usyoma muli nduwe.*

*Ko ndifwida luse, O Mwami: nkambo Nda kulilila mazuba oonse.*

*Kondezya buntu bwa mulanda wako: nkambo kuli nduwe, O Mwami, Nkwe sumpwida buntu bwangu.*

*Nkambo yebo, Mwami, uli mubotu, auli bambilide kujatila; a uzwide kuli boonse abo baita kuli nduwe.*

*Ko swiilila, O MWAMI, ku cikombyo cangu; . . . teelela kujwi lya kukumbila kwangu.*

*Mu buzuba bwa kupenga kwangu Ndiyo ita kuli nduwe: nkambo uyo ndivuwa.*

Oh, tacili cibotu eco? “Uyo ndivuwa.”

*Aakati ka tuleza taakwe uli mbuli nduwe, O Mwami; akwalo kwiina milimo ili yoonse iikozyenye a mulimo wako.*

*Zisi zyoonse nzo kalenga ziyo boola aku zokomba kumbele lyako, O Mwami; uyo lemya zina lyako.*

*Nkaambo uli mulemu, nkabela ulacita zintu zigambya: nduwe Leza olikke.*

Amuswiilile lino:

*Ko ndiyiisya nzila yako, O MWAMI; Ndi—Ndi yooyenda mu lusinizyo lwako: kamantanya moyo wangu ku kulemeka zina lyako. (Kukamantana! Mwabona?) . . . kamantanya moyo wangu ku kulemeka zina lyako.*

<sup>32</sup> Ndila kanana lino kukamantana a citondezyo ca ciindi. Lino, mu cipati 16 ca Musalali Matayo:

*I ba Farisi aba Saduki bakasika, . . . kumu sunka, kumu yandila kuti abatondezye citondezyo kuzwa ku julu.*

*Elyo Wa kavuwa aku baambila kuti, Cindi kwaba ku mazuba, mula amba kuti, Nda . . . Cinooli ciindi cabube bubotu: nkambo mulengalenga ulasalala.*

*Elyo ku cifumo, Kuyooba kubbiloko . . . ciindi cabube bubu sunu: nkambo mulengalenga ulasalala a cakusiya. O nywebo basikuupaupa, nywebo mula konzya kupandulula busyu bwa mulengalenga; pele tamu konzya kupandulula zitondezyo zya ciindi?*

I Mwami ayungizye zileleko zya luzyalo Lwakwe ku kubala kwa Ijwi eli.

<sup>33</sup> Lino, tu kanana ciindi eci cakukamantana, cakukamantana; citondezyo ca ciindi cakukamantana. Mwabona, Jesu wakali awa, mu kubala oku kwa Lugwalo lwamamanino, Wa kali kutapatila bakutausi nkambo kakukakilwa kutweluka ciindi na citondezyo ca ciindi. Lino, eco lyoonse cakali cintu cipati ku bantu, mwabona, kukonzya kutweluka *citondezyo ca ciindi*



*nco mupona*; nkaambo Leza ula cilemba antangalala kutegwa taakwe muntu uukonzya ku kakilwa kucibona.

<sup>34</sup> Lino, mbuli lyoonse, inga Nda jokela a kubweza kuzwa ku bakambausi bamwi, balanda bamwi ba Mwami mu ciindi ca Bbaibbele (mbuli citondezyo mu ciindi ca Nowa, citondezyo ca ciindi ica Daniele a—a zimwi, zitondezyo zyandeene), pele Ndi yanda kweenguluka ezyo sunumasiku ku—ku kuvuna ciindi, ku konzya . . . Pele lyoonse yakali nzila ya Leza, ku bapa i—i citondezyo cabulenge ica ciindi, kutegwa bantu boonse bakazibe buyo kuti ciindi mbo—mbo cakabede. Elyo aba ba Farisi bakeelede kuziba ciindi cabo. Ba keelede kuziba ciindi mbo cakabede. Wa kaamba mu busena bumbi, “Ikuti nimwali Ndi zyi, nimwa lizi buzuba Bwangu.” Mwabona? Ci—cili kapati, i—i cintu cipati eco kuteeti tumvwisye. Mwabona, “Kakutakwe kumvwisya!”

<sup>35</sup> Eco ncencico nco bakali kutondeka lyoonse ku basinsimi, ba kati, “Elyo wa kajisi kumvwisya, kwiinda mu zilengaano kuzwa ku Mwami. Elyo Ijwi lya Mwami lyakeza ku i—i basinsimi bakale.” Mwabona, baka jisi kumvwisya kwiinda ku Ijwi lya Mwami, kwiinda ku basinsimi. Elyo mpawo, basinsimi bapa citondezyo. Mbuli, muntu umwi wakalala ku lubazu lwakwe kwaciindi cilamfu, mpawo wa kasanduka a kulala ku lubazu lumbi. Muntu umwi wasamununa zisani zyakwe. Elyo oh, kuli zintu zinji nzi bakacita kutondezya citondezyo omo mobakali kuponamo. Elyo lino tulizi kuti Leza wakalenga majulu a nyika, elyo—elyo kabamba mbubonya mulimo Wakwe kutegwa inga Wa pandulula ciindi Cakwe kwiinda ku citondezyo, ulya Leza nguwenya ulapona asunu. Aboobo tweelede kuba, kuba cintucimwi . . . Mbuli mbo tu bona i—i ciindi nco tuponamo, kweelede kuba cintucimwi eco muntuumwi nca tamvwisyi, kubusenabumwi. Mwabona? Nkaambo Leza inga talekela zintu ezi kucitika kakutakwe ku tupa citondezyo cini, kuti oko, kuti—kuti inga tu mvwisye.

<sup>36</sup> Lino nceeci cintu sunu, eco bakutausi, tatu cibali kabotu. Cili buyo mbu cakabede kaindi, tii baka yeeya kuti cakali ciindi. Ba—ba kali kuyeeya kuti bakali kupona kabotu caluumuno eelyo, aboobo teeba kali kulangila Mesiya. Elyo Jesu wa kaamba kuti Kuboola Kwakwe kuyooba “mbuli mubbi masiku,” cindi i—cindi bantu nobatano libambilide ku Kuboola Kwakwe. Pele kwakali bamwi banakalindu abo bakaunka kuyo Mu swaanganya, cisela ca mbabo, bakali jisi mafuta mu malampi abo nkabela bakali libambilide; bakali kulangilila citondezyo eco. Elyo nkuuli mbabo Nkwe kanana sunumasiku, mwabona, kuli baabo balangila citondezyo lino, citondezyo ca Kuboola Kwakwe.

<sup>37</sup> Ezi zitondezyo zipedwe, ku Mwami, zipegwa buyo ku basyomi. Batasyomi taba ziboni. Bala ziindilila ncobeni atala, nkabela taba ziboni. Elyo lino, mukasimpe buyo mbuli mbo

cibede kuti Angelo wa Leza mbwa konzya kwiima aa cibumbili eci sunumasiku, mubwini buyo mbuli—mbuli Mbwe mulangide, alimwi inga ka Ndi cilangide; na inga kamucilangide nkabela Nke takonzyi ku cibona, na inga Nke cilangide elyo nywebo kamu takonzyi kucibona. Lino, nywebo mulizi kuti eco nca Malembe; obo Mbwini ncobeni. Ba kabona. . . Nywebo mulizi Paulo wakawida ansi, pele ba. . . taakwe wabo wakakonzya kubona Mumuni oyo.

<sup>38</sup> Oyo Mumuni wakaliwo mpoonya aalya cindi Johane nakaima okuya kumbele lya makamu, a zyuulu abusena bwa nkomwe awo, kwa bapaizi a—a basongo, bantu balemu. Elyo Johane wakati, lwakwe, wa kapa bulunguluzi bwa kubona Muuya wa Leza kuuseluka mbuli nziba akuselemukila aali Nguwe, a Jwi kaliti, “Oyu Mwana Wangu muyandisi muli Nguwe Mwe nkondelwa ku kkala.” Kwalo kunyina muntu waka Ubona citabuyo Johane alikke. Mwabona? Cakali cakwe buyo.

<sup>39</sup> Sena mwakabona obo mbo cakali antangalala loko, citondezyo ca bantu basongo? Ba kalanga, kwa kali. . . Ba kali ba Hebrayo. Tii bakali basayaansi ya zintu zyakujulu ibana India ncobeni, bakali ba Hebrayo; nkaambo bakali kutala kuya mu cisi eco kabayiya sayaansi ya zintu zyakujulu, ku manizya lwiiyo lwabo. Elyo cindi nibakali. . . kalanga ku Jerusalema, elyo mukuziba kuti bakabona nyenyeezi ezyo zytatwe kuzwa kumwi akumwi ya mikondo yazuba cindi bantu nibakazyalwa yabo—yabo, ya Hamu, Shemu, a Jafeti, oyo ngo musyobo nkobazwa, aumwi, elyo bakabona nyenyeezi mu mikondo yazuba ciindi bantu nibakazyalwa. Eco cakali citondezyo kuli mbabo, kuti cindi nyenyeezi ezyo nizyakali mu bweendelezi, Mesiya wakali aa nyika.

<sup>40</sup> Oh, ma! Ta cigambyi baka boola, “Uli Kuli? Uli Kuli oyo wazyalwa Mwaami waba Juda? Twa bona Nyenyeezi Yakwe Kujwe, elyo twa boola kuzo Mu komba. Uli Kuli?” Ba kalizi kuti ulya Mesiya muvwanda wakali lede aa busenabumwi, nkaambo Leza wakabapa citondezyo ca ciindi, kuti Leza a muntu bakali kukamantana antoomwe. Ino ndukamantano, cindi Leza naakali kamantanya Lwakwe mu mubili wa buntu! I cisiko, cipati kwiinda kukamantana koonse kwa kasola kucitwa, kwakali eelyo Leza nakakamantana a muntu; a kusiyi musyobo musale Wakwe—Wakwe wakuba Leza a kutandabika tente Lyakwe a kunjila mu mukowa wabantu, a kuba umwi wabo, ku banununa. Kukamantana. Kwa kacitaanzi? Kwa kaleta luumuno akati ka muntu a Leza kwalyoonse. Obo mbo tulumbide.

<sup>41</sup> Elyo zitondezyo tiizyaka tumwa. . . Lino amuyeeye buyo, muntu oonse, a basayansi boonse bazintu zyakujulu; bantu, mazuba ayo, nkoloko zyabo zyakali nyenyeezi. Kwakali mulindizi wakali kuunka atala lya—lya ngazi, alimwi wakali kunga wasika atala alya a kulangilila. Elyo wakabona cindi nyenyeezi zimwi nizyakali mu zikama ka zikozyenye, mbuli

mbo zyakali kwiinda, wa kaziba kuti cakali ciindi. Nywebo mula yeeya mu Lugwalo, “Nciindi nzi, mulindizi?” Elyo mulindizi waka jokela a kumwaambila mu oora mbo kwakabede. Mwabona, bakali kubamba ciindi kwiinda ku nyenyezi.

<sup>42</sup> Lino, sena tacili ceenzu kuti ezi nyenyezi zyakali mu bweendelezi mbubonya ku bantu botatwe alimwi kunyina muntu waka ibona? Mwabona? Mu bweendelezi mbubonya buyo. Lino, inga weendelana loko a Lugwalo. Mwabona? Cindi nyenyezi ezyo nizyakaba mu kukamantana, zyakali kamantanya zini antoomwe mu cikama eci cazikozyenye, bantu botatwe abalo bakali kamantene ku ciindi nciconya. Elyo ulakonzya kukamantana loko a Leza, mu Ijwi Lyakwe, kusikila zintu ezi zyaba masimpe, alimwi ula konzya kuzibona a kuziba kuti zili bwini. Mwabona? I citondezyo ca ciindi! Inga walangalanga ncobeni ali ncico, a kwaamba, “Aah, bufubafuba!”

<sup>43</sup> Pele kuli *nduwe* tabuli bufubafuba. Kuli nduwe, uli kamantene a Ijwi, nkabela ndeeli Mbo libede. Mpawo walo—walo Mumuni cakumaninina, Mukwesu Pat, cindi—cindi—cindi—cindi wa bona citondezyo eci kacikamantana a musyomi. Elyo ngo nguwe Ngwe ambila eci, walo musyomi, nkaambo utasyomi taciboni. Elyo ino nkutapatilwa mbo kunga kwaba ikuti Nali aa nyika sunu, ku bakutausi besu banji sunu, abo batakonzyi kubala citondezyo eci; zitondezyo ezyo nzo tubala mazuba oonse kuno ku cikombelo, a ku bona zintu. Elyo bamwi bala cibala a kubona bulembo ku bwaanda, nekubaboobo bunji taba cibikkili buyo maanu, a kwalo kuta cibona nokuceya. Tacili cintu kuli mbabo nokuceya; taba ciboni.

<sup>44</sup> Lino amubone, kuti muli ceeci, kuti Wa—Wa katondeka zitondezyo zya cisi. Lino, cindi nibaka Mu buzya kujatikizya ceeci, bakali kuyanda zitondezyo; elyo Wa kabapa zitondezyo zyaka citika. Elyo bakali kuyanda kuziba nayooba mamanino aa inyika, cakali nooba citondezyo ku mamanino. Elyo Wa kabatondekela masena manji kwiinda mu Lugwalo kujatikizya zitondezyo zya cisi, kujatikizya citondezyo cakujulu mu majulu, a citondezyo canyika; Wa ka bapa zitondezyo, zitondezyo, zitondezyo, cakuzumanana buyo citondezyo. Elyo cindi. . . Wa ka baambila omuya mu busena bomwe kujatikizya citondezyo ca cisi. Wa kati, “Cindi mwaa kubona zisi,” mwabona, “kusalika kubunganina Jerusalema,” mwabona, mpawo tu lizi kuti ciindi ca mapenzi abo cakali afwaafwi, “cindi mwaa kubona Jerusalema wazungulukwa a mpi.”

<sup>45</sup> Lino, kaba tana konzya kucita eci, Leza. . . inyika yakali kamantene. Titus, oyu mulailizi mupati wampi muna Roma, waka kamantanya impi antoomwe a kunyona, kuzwa ba Juda aba nobakakaka citondezyo cakapegwa aa Leza ca ciindi kuli mbabo. Eco nce ciindi Titus naka kamantanya impi zyakwe antoomwe, a kuboola kusaala muunzi. Kusaanguna kwakaba

kukamantana kwa bantu ba Leza (bategwa) kulwana Ijwi lya Leza, cisi eco kacitana konzya kuli kamantanya kulwana bantu ba Leza. Mwabona, i—i—i ilukamantano, kukamantana; kukamantana antoomwe.

<sup>46</sup> Nda syoma kuti tu pona mu ciindi cipati cakukamantana. Ndi lemba mimuni eyi iisubila ilailila, a zizibyo zimweka a zintuzyonse (zya banakazi, nzila mbo bacita; a baalumi, nzila mbo bacita; a mabungano, nzila mbwa cita), kutondezya nkamu eyi nsyonto, a moyo wangu oonse, kuti Ndi syoma kuteeti tuli mukuli bambila mu bweendelezi bwa Ijwi lya Leza mu oora eli pati lya cisinsimi, kakutanaba buyo Kuboola kwa Mwami Jesu; kukamantana antoomwe a kuli bambila.

<sup>47</sup> Lino, nywebo mwabona, Titus katana kamantanya masi aa . . . impi zyakwe antoomwe, ba Israyeli bakali kamantanya antoomwe a kuli bunganya lwabo, kuti bata kasyomi Jesu kuba Mesiya. Ba ka Mu kaka, aku Mu tanda, a ku Mu bambula. Elyo mpawo, cindi ni bakakaka lufutuko lwaka tuminwa mbabo, ba kakamantana lwabo antoomwe kucicita. Lino, amu jate eco mu mizeezo: kulikamantanya lwabo antoomwe, kukaka Mulumbe wa oora! Ba kacita boobo. Elyo mpawo cindi niba kacita boobo, mpawo citondezyo ca cisi casika.

<sup>48</sup> I masi akatalika kuli kamantanya eni antoomwe, nkabela Titus wakaleta impi eyi mpati yaba Roma aba Griki a kuzunguluka malambo aa Jerusalema, kajalila bantu abo mukati muya lino, nkabela bakafwa kunzala. Ba kalya makwa aa masamu. Josephus, simakani aakale mupati, ula twaambila. Elyo ba kalya bwizu kuzwa aansu. Akwalo bakajikilana bana baumwi aumwi a kubalya; mwabona, mbuli kuti bakali bantu basondokede. Elyo mpawo cindi, kumalekelo, Titus, wa kali libambilide kunze lya zilundu, kuzunguluka Jerusalema okuya, alimwi—alimwi bantu abo mukati muya bakali kuyeeya kuti bakali kucita luyando lwa Leza, cindi niba kabona impi kazimaccing'a kunjila. Ba kali kakide kumvwa Simalela Mupati, Mwami Jesu, ku baambila eco.

<sup>49</sup> Kwakanyina umwi wabo wa Banakristo wakajatwa mukati muya, nkaambo baka bona citondezyo a kuzwa. Mwabona? Ba kati, “Amu baleke abo bali aatala lya ng'anda bataseluki, na oyo uuli mu muunda kupiluka, kuta yobweza cibaki cakwe; pele kutijila ku Judaya, alimwi amulombe kuti lutijo lwanu lutakabi mu ciindi ca mapeyo naanka mu buzuba bwa Sabata.” Nkaambo, mu ciindi ca mapeyo, i—i zilundu inga zinozwide caanda; a mu buzuba bwa Sabata, i citendele—zitendele zyakali jalidwe, mulyango, nkabela niba kajatilwa mu ciimo eco. Mwabona? Tu yanda kusika kuli ceeco cainoino maningi kujatikizya i . . . nzila Leza mbwa cita zintu ezyo, ikuti na Mwami wayanda.

<sup>50</sup> Amubone lino, Wa . . . Ba ka komba kuti ciyooba bobuya . . . kutali kuba nzila eyo, Jesu wakabaambila ku kombela ceeco,

elyo kunyina niba kajata omwe wabo mukati muya. Ba kalizwide nkaambo bakalanga ku citondezyo, elyo ba kalizwide; kwamana mbo kwakabede kuli ncico.

<sup>51</sup> Oh, obo mabungano mbwa elede kubona citondezyo ca ciindi eco nco tuponamo! Amu cijile ku Kalivari ca nguzu mbuli mbo mu konzya, nkambo ka Buumi; kutali ku mbungano imwi, pele kuli Jesu Kristo. Amuli kamantanye nobeni a Nguwe, alimwi kutali a kabunga kamwi na kayanza ka mbungano imwi. Amukamantane a Kristo, a kuba masimpe kuti ngo Nguwe. Tamu konzyi buyo kubweza kufumbwa cintu, mweelede kuba masimpe kuti ngo Nguwe. Ino nciindi calukamantano!

<sup>52</sup> Lino, tu jana kuti bakakaka Mesiya elyo mpawo bakali kamantanya lwabo antoomwe a kuli pangila mbunga, aku bamba i—i...a muzeezo akati kabo kuti na kufumbwa muntu wakatambula Jesu mbuli Musinsimi, kuti bakali nootandwa kuzwa mu mbungano. Mula yeeya mulombe moofu ulya wakakkede kajisi meso atakuboni? Elyo basikwiiya bakati, “Nguni wakabisya? Walo, na bawisi, banyina?”

<sup>53</sup> Elyo Jesu wakati, “Mu kaambo aka, taakwe; pele kuti milimo ya Leza icitwe, izibisigwe.”

<sup>54</sup> Elyo mula yeeya, ba kaamba kuti bawisi a banyina tiibaka konzya kwaamba. Ba kati, “Ba lizi kuti oyu mwana wesu, pele ta tuzi mbwa kaponesegega.” Nkaambo bama Juda bakaambide kuti kufumbwa bantu baka Mu zumina kuba Musinsimi, kuti bakali nootandwa.

<sup>55</sup> Pele, nywebo mwabona, milimo ya Leza yakali yakuti mulombe oyu taakali kuzulilwa ku nkamu ilya. Elyo wa kati, “Lino, ncintu ceenzu kuli ndime kuti tamuzi oko Muntu oyu nkwarzwida, elyo nekubaboobo Wa ndipa kukubona kwameso.” Mwabona? Lino, wa kali kukonzya kucaamba. Mwabona, eyo yakali milimo ya Leza. Wa ka ponesegwa, a kuba kabotu, alimwi wa kali kukonzya—wa kali kukonzya kwaamba nkaambo taakwe ntambo zyakaangidwe kuli nguwe zizwa kuli koonse. Wa kali nguwe awo milimo mipya kacitilwa, alimwi mukasimpe wakabona cakwe...ku ciindi cakwe citaanzi mu buumi bwakwe.

<sup>56</sup> Lino, ba Juda bakali kamantanya lwabo kulwana Jesu a—a kulwana Bumesiya Bwakwe, a Mulumbe Wakwe wa Bumesiya. Tula bona cintu nciconya lino kacicitika, cintu nciconya buyo. Kkomunizimu ili mukukamantana kuti inyonyoone mbungano, elyo nzila ilikke eyo yalo...nkooko kwamana kuti mbungano yali kamantanya ini ayalo, mu Nkamu ya Mabungano, Nkamu ya Inyika iya Mabungano, kukaka a kunyonyoona Mulumbe, Ijwi! Ba kaka Ijwi, mabungano acita! Taba konzyi ku Li zumina nkaambo Li lwana tuyanza twatubungwe twabo; kunyina makani Misumpululu ya Mulilo minji mbo inga yalengelela mwesu mukati...akati ka bantu, na mbanji buti

bantu ba...nzingi buti zintu zyaambwa kuyocitika, a kuba zitondezyo zyoonse zipati Nzya kasyomezya ku buzuba bwa mamano; taba konzyi ku cicita.

<sup>57</sup> Aboobo, bali mukulikamantanya lwabo lino, alimwi mweembeli wanu okuno a banji bala konzya kumwaambila, abo babala, kuli bali...bajisi nkamu yiiminina mabungano aabunakristo munyika ya i—i—inyika. Elyo i...kuli mukambausi muna Luther uyeendelezya. Cakuti, na kwaboola ntenda mpati, inga ya citika muno mu cooko eci; ikuti na tatu kamantene a kabunga kaiminina mabungano aabunakristo munyika, mpawo mbungano yesu taikabi limbi mbungano, alimwi bala konzya kwiibesya kuba buyake bwa kubambila zintu. Na umwi wesu bakwesu wabona muntuumwi kali mukufwa na kaliciside, elyo kusola kukutauka kuli nguwe kufumbwa cileleko ca Kumuuya, inga twa dubulwa nkambo ka ncico; mbombubo ncobeni. Tula konzya kupegwa myaka iili kkumi ya mu ntolongo mpati ya masi akamantene nkambo kakukutaukila cintu cili coonse, nkaambo tatuli membala wa kabunga aka ka mabungana. Sena tamu cibwene caando ca munyama? Mwabona? Mwabona?

<sup>58</sup> Lino, tula bona ciindi cakukamantana kaciboola. Mwabona? Lino, amulangilile! Elyo mpawo mbungano yali kamantanya ini kulwana Mulumbe; elyo mpawo cindi yacita boobo, zisi zila likamantanya zini muli Kkomunizimu kuti inyonyoone mbungano alimwi; mbubonya buyo mboya kacita mu busena butaanzi. Mwabona? Cilali loolola cini alubo.

<sup>59</sup> Israyeli yakakaka Mulumbe lutaanzi. Elyo cindi ni bakakaka Mulumbe, mpawo impi, buumi bwa cisi bwakali kamantanya bwini antoomwe (bwa zisi zimbi), a kusika a kunyonyoona mbungano. Elyo sunu, bakaka Mulumbe wa Mwami Jesu, elyo ba Ukaka. Elyo lino, ciindi casika oko Kkomunizimu nko ikamantanya inyika antoomwe kulwana mbungano. Mwabona, ceelede kuba boobo. Lino, nciyumu kwaamba boobo.

<sup>60</sup> Cakali ciyumu kuli mbabo bama Juda ku syoma. Ba kati, “Lino amuboole, bakwesu, twa bona kuti—kuti Leza wesu—wesu ulaa ndiswe, elyo aboobo tuyo—tuyo njila mu tempele. Elyo lino tuyo komba, a kulekela taata uusalala *Niini-a-niini* a taata uusalala *Niini-a-niini* asololele mu mupailo. Jala mulyango!” Elyo Titus waka zyata, a kwiima eni alya kutandila mwaka na iindilila. Mwabona, moonya mu kupakamana, a kujazigwa nzala moonya mu busena. Kwakanyina naba omwe wabo akwalo wakakonzya kuzwa anze lya muunzi; elyo bakafwa, kajazigwanzala. Elyo cindi nakanjila omuya a kumwayaula malambo, bulowa bwakapasuka a kukunka mbuli milonga kuselemukila kokuya nkwa kajaila zintuzyonse zyakali momuya.

<sup>61</sup> Lino, Angelo wa Mwami waka cisinsima, kaindi mu Cizuminano Cakale, a kwaamba eco cakali kuyocitika. Elyo balo bakambausi, abo bakali munkamu yabusololi, abo bakeelede kuziba kuli ceeco a kwaambila bantu eco, mucibaka ca ceeco, cindi Jesu nakaima akati kabo, tiiba Mu ziba akwalo; a kusola kubamba i—i . . . musyobo umwi wa i—i tende lya kasulwe, “Kotucitila masalamusi, atu bone obo—obo mbwa citwa! Kotu tondezya citondezyo.” Mwabona?

Elyo Wa kati, “Ndi . . .” Baa, Wa cita zintu zinji loko, nekubaboobo tiiba kakonzya ku zibona. Mwabona? Elyo mpawo cindi nibaka Mu kaka mbuli wabo . . . i Mulumbe wa buzuba obuya, ba kakaka Mulumbe wa buzuba obuya.

<sup>62</sup> Ba kakakilwa kubona citondezyo ca buzuba obuya. Elyo citondezyo i—i cacisinsime ca Bbaibbele cakabambwa kubusyu bwabo, elyo ba kati, “Atu njile lino!” Balo bakali bantu basalala. Ba kali bantu mbo takali kukonzya kudomba kanwe kako aa buumi bwabo. Tiiba kakonzya kuba *obo*, elyo mpawo—elyo mpawo kuba i—i—i mupaizi. I mupaizi wakali kunoojaigwa, wakali kunoomwa mabwe ca lufu ku kantu kaniini kali koonse. Aboobo wa keelede kupona buumi, busetekene busalala. Ta kali kukonzya ku cicita, nkaambo waka umwa mabwe ku cintu cili coonse. Elyo lino bakali bantu balemu, a basalala mu meso aa bantu, elyo nekuba bakanjila akuti, “Lino, tuyo . . . Tu jisi Leza, Leza Wa kali a ndiswe kwiinda mu makkalo oonse. Tuyo njila mu tempele Lyakwe lisalala.” Elyo lyakali tempele lya Leza lisalala! Pele, nywebo mwabona, Wa ka kakwa mu tempele Lyakwe lisalala. Mwabona? “Tuyo unka mu ng’anda ya Mwami. Lino nyoonse nywebo noba Hebrayo mulizi kuti tuli mukowa uusalidwe, mbo tubede, okuno. Elyo Leza ngu Leza wesu; Leza wa Abrahamu, Izaka, a Jakobo. Uli a ndiswe. Uyo tu vuna kuzwa kuba Filisiti batapalwidwe kubusena buya (mbuli mbo kwakabede), balo ba Roma aba Giriki. Uyo tu vuna kuli baabo. Atu njile mu ng’anda ya Mwami!”

<sup>63</sup> Eco cilimwisiya kabotu; pele cinzi nciba kacita? I Muyasi wa ng’anda wakali mukati omuya, mu ciimo ca simufala mapulanga waku Galilaya mutengwani, elyo baka Mu kaka; kakuli Leza waka Mu simpikizya kuba Mutumwa Wakwe wa oora, a Mutabi. Elyo baka Ukaka. Aboobo koonse kukomba, lusinizyo loonse, zituuzyo zyabo zyoonse taakwe nizya kaamba cintu kuli Leza. Ba kazicita! Elyo Leza wakalekela impi eyi mpati kukamantana a kuunyonyoona.

<sup>64</sup> Elyo tula bona sunu, mbuli mabungano kwiinda mu tubungwe azimwi, kukaka Ijwi lya Leza. Taba kuyandi kubaambila makani a zintu ezi, nkabela sayaansi inga yacitondezya kwiinda mu zifoto a zintuzyonse zimbi, elyo nekubaboobo taba ciyandi cintu cakucita a Ndilyo. Aboobo kkomunizimu ilimu kulibunga kuti inyonyoone, mbubonya buyo

mbuli Titus mbwa kacita, nkabela Bbaibbele lya kati bayo cicita. Mbo mbubo!

<sup>65</sup> Lino, nywebo mwabona awo mpo tuponena? I ciindi cakukamantana, cindi twa bona zintu ezi kazikamantanisigwa. Oh, nkaambonzi tula kakilwa kuzibona zintu ezyo? Mula konzya—mula konzya kulanga mukati awa mu Lugwalo a kubona awo Mpa kasyomezya ceeco, eco Nca yocita. Lino, twa cibona kacitika. Tula bona mu mbungano eco Nca kasyomezya kucita; tula cibona kacitika. Tula bona zisi kazikamantana antoomwe. Tula bona tukamu twazilengwa zitatonkomene katukamantana. Tula bona mabungano kaakamantana antoomwe. Nciindi cakukamantana. Ndi oora lya kukamantana. Oyo ngo muuya wa bukkalo, “Twe elede kukamantana.” Zintuzyonse nzomu kanana zyeede kuba kabunga; neiba mfulumende taika katambuli.

<sup>66</sup> Nywebo mulizi, mbuli sicisi... Nse konzyi mbuli sicisi, mbuli sicisi wa United States, nokuba Ndi—Ndi... inga mwandipa cheki lya madollar osanwe nkabela inga Tii ndaba a camba cakulemba zina lyangu ali ndilyo. Hmmm. Mwabona, Inga nsecicita. Mwabona, nciindi cakukamantana. Coonse ceedelede kwiinda mu bbunga limwi lya musyobo umwi, alimwi bbunga eliya nce cintu nciconya cileta caando ca munyama. Mwabona? Nciindi cakukamantana, alimwi ciya bubeleka kwini kulibambila kunjila muli eco. Inga mwacibona biya a meso anu mpande, ikuti na muyo langa ali ncico. Nciindi cakukamantana, oko zintuzyonse nkozili muku kamantana antoomwe.

<sup>67</sup> I mu Juda—bama Juda bakali kamantanya lwabo kulwana Jesu, mbuli Mesiya wabo—mbuli wabo. Aboobo, tula bona caka citika. Tula bona cintu nciconya lino, kkomunizimu kaikamantana kuti inyonyoone mbungano, mbungano yamana kukamantana mu Nkamu ya Inyika iya Mabungano a kusola kunyonyoona Mulumbe, Ijwi lya Leza. Ba sola Ku gusya. I cintu buyo ncobanga bacita nkuliletela lwabo nkamu, nkaambo kakuti bali pambukene; kakamu kaniini awa, Methodisti, a Baptisti, a bana Lutherani, a bana Presbyteria, Mbungano ya Kristo, azimwi mbuli zeezyo. Taba konzyi kucita cintu, nkaambo *aka* kayoolwana *aka*, *aka* kamwi kulwana kamwi *kambi*, njiisyo zyabo ziliindene loko buyo mbuli kujwe mbokubede kuzwa kumbo. Mwabona, taba konzyi ku cicita. Pele ciindicimwi baakuba antoomwe, kungsi lya bweendelezi bomwe bupati, bali bujisi. Bali bujisi bwalo.

<sup>68</sup> Eyo njenzila bana Katolika mbobali boobo mu kukamantana, Katolika yabana Roma, nkaambo bali mu kukamantana, bali... bunji mbana Katolika yaba Roma; ba Griki a Katolika bambi ta bali—bali tabali mbuli Katolika yabana Roma. Lino bala kamantana antoomwe, elyo ako nkekaambo balaima antoomwe. Takukwe makani eco citola busena, pope oyo ngo mweendelezi wa zintuzyonse. Mwabona?



Alimwi takukwe makani eco muntu uumbi ncaamba, “Walo ngu ujisi nguzu zyoonse; ngu—ngu—ngu sikwiiminina Leza, kwa mana; nguutobela Leza; uli jisi bwami ku gehena, Julu, a busena basizibi nkobasubulwa kuti basalale kuya kujulu.” Mwabona? Aboobo taakwe cintu eco cinga cacitwa mu kaambo *ako*; kufumbwa ncaamba, eco nci ceelede kuzuminwa.

<sup>69</sup> Lino, ba Protestanti bali mukulibambila bweendelezi mbuli bobuya buyo, mbubonya. Elyo sena Bbaibbele ta lyaambi kuti kwakali cinkozya cibambidwe mbuli munyama? Ino cinkozya ncinzi? Ncintu cimwi mbuli ncico, cakabambwa mbuli ncico. Nceeco wee, cintu nciconya. Ino ncinzi? Kwiinda mu kulikamantanya lwabo antoomwe, elyo oyu ngo muuya wa bukkalo, nku *kamantana*.

<sup>70</sup> Kukamantana antoomwe lino, kusola kunyonyoona Mulumbe. Mbobuti mbo Ba unyonyoona? Mbobuti mbo bakonzya kunyonyoona Ijwi lya Leza? Inga ba Li bamba kubula nguzu, kubulanguzu, kwiinda mukubweza tunsiyansiya mbuli mbuba kacita kaindi ku matalikilo, a kubamba Ijwi lya Leza kubula ngunzu. Mwabona, ba lati, “Oh, obo...Mukasimpe, nekubaboobo,...” Nywebo mwabona oko mwanakazi oyu muhedeni usola ku...waa...Nda luba zina lyakwe mboliitwa lino; ikuti na Nda konzya kuliita buyo. Waa...Ndi sola kuyeeya manji loko.

<sup>71</sup> Ndi yeeya oyu Muka. Nation buzuba bumwi; Ndi lombozya kuti nitwali jisi umwi umbi mbuli nguwe uyutuka. Ngo nguwe oyo wakaunka mu mabbayaholo a kumwayaula mawhiski, a kusowela anze zitondezyo a zintuzyonse mbuli boobo. Nkaambonzi mwanakazi umwi nata yutuka sunu mbuli ulya, a kwiinka okuya a kumwayaula zifoto ezi zya mantanda izya banakazi aba iba musyobo wakwe wini, a zintu mbuli zeezyo? Kuti, kabatano zijisi limbi.

<sup>72</sup> Lino, pele mwanakazi oyu, muhedeni, oyo wakaamba kuti—kuti “Bbaibbele ta lyeendelani a mulao mupati wabulelo bwacisi, ku libala mu zikolo zyabuleya,” a zintu mbuli obo.

<sup>73</sup> Lino balo akwalo, sena mwabona alimwi, basola kwaamba lino, a basicikolo bapati ba Lugwalo, ba kati “bunji bwa businsimi bwaka sinsimwa mu Bbaibbele bwakali lubide cakumaninina, alimwi taakwe nibwaka citika.” Elyo mwakamvwa obo a ku cibala. Elyo basola kwaamba zintuzyonse; nywebo mwabona, basola kunyonyoona nguzu zya Ijwi. Ikuti ba konzya buyo kunyonyoona a ku Li sintanya kuba kayanza na cintucimwi bantu nco bajisi, eco cibotezya mu meso abo kwiinda Ijwi, mpoonya bala Li nyonyoona kubelesya kayanza kabo—kabo. Elyo nje nzila mbo basola kunyonyoona Ijwi lya Leza, nkwiinda mu tuzenyu twatubungwe.

<sup>74</sup> Lino, aimwi mbungano ilijisi tunzenyu twayo. I Mbungano ya Kristo ilijisi twayo, mbungano ya Banakristo ilijisi twayo,

aba Baptisti, aba Methodisti, a yaba Presbyteria; boonse bali jisi tunzenyu twabo twiindene. Lino, bali mukuzwa kuli ceeco nkaambo bali pambukene. Mwabona, nikwa taka konzeka kucitwa kale, beelede kucicita lino. Mwabona, eci nciindi cakukamantana, elyo lino boonse bali mukucibikka antoomwe a kucilundika a kubona eco ncobanga bazwidilizya aco. Ma, cili mbuli kujika cinkwa kuzwa kunyama ya mbizi, a masifwilila kuzwa ku cingungulu, a kufumbwa zimbi nzeba kajisi antoomwe; a kucisanganya antoomwe, a kufusa magwili aa bolede a zintu antoomwe, a kubona eco ncobanga bazwidilizya aco. Ndili masimpe ta ndiyandi kufumbwa ca ncico. Peepe, munene! Eyo njenzila mbo bali mukucita. Mwabona, bali mukubweza bantu basyoma kuti Jesu wakali kaano kabuyo, mbungano iisyoma kuti Jesu wakali kaano kabuyo; abamwi, bamwi basyoma kuti Wa kali musinsimi.

<sup>75</sup> Umwi wati, “Mazuba amaleele akainda.”

<sup>76</sup> Umbi ulati, “Antela kuli cintu mbuli ceeco.”

<sup>77</sup> Elyo zyoonse ezi antoomwe; a Bbaibbele lya kati, “Mbobuti mbo bakonzya kweenda bobilo cita bazuminana?” Mwabona? Lino, oyo ngo musyobo wa lukamantano ngu bajisi. Elyo akuba a taata umwi mulemu uusalala wakubikka atala lya ncico, elyo mpaawo mujisi cinkozya ca munyama, mbubonya buyo Bbaibbele eco nco lyaamba. Lino bajisi mukambausi muna Lutherani, mweendelezi wa ncico. Ee, twa bona nciindi cakukamantana. Cintu nciconya lino, Kkomunizimu a zyoonse kazikamantana antoomwe; mu inyika, a mu mbungano azimwi zimbi, kukamantana antoomwe.

<sup>78</sup> Amulangilile bulenge. Oh, ma! Bulenge, ikuti na muyo langilila buyo bulenge, bula cita cintu nciconya. Bulenge ni kkalenda lya Leza ilya zitondezyo. Sena mwakalizi obo? Jesu waka baambila kulangilila bulenge. Lwizi luno wuuma, mwabona, alimwi kuyooba zintu ziindene, a mizunzumo yanyika mu masena ansininsini, kuzwangana kwa zisi, zitondezyo mu julu, zitondezyo aa nyika, ku masena oonse kuyooba zitondezyo zya ciindi cakuboola oku.

<sup>79</sup> Amulange makumbi. Makumbi kaatana leta guwo lyamvula mpati, nywebo mulizi obo mbo cicitwa na? Makumbi manji maniini aboola antoomwe, kupanga kkumbi lyomwe pati. Ee, limwi lijisi cikama ciniini ca myuuwo kali cuungya, limwi eli lijisi cikama ciniini ca muuwo uucungya, elyo yoonse ilaunga antoomwe, elyo mpawo ala bweza kupepela kukali kwakambizi. Mwabona? Ala kamantana kaatanaba aa kuunga kwamyuuwo; aleelede kucita.

<sup>80</sup> Amulange madada a basyalwiili kazili kamantanya antoomwe kazitana kuzwa mu cisi cawo. Mwabona? Ala kamantana antoomwe. Mula konzya kwaabona kauluka kuzwa ciziba eci kuya ku ciziba eciya, kuzwa waano kuya kokuya, oonse

kaboola antoomwe. Alali kamantanya, kuli bambila kuuluka kwawo. Mwabona, nku buyo...obo mbulenge, alimwi Leza wakalenga bulenge, a bulenge bubeleka kwiinda mu bukanze bwa Leza. Walo mulao, mulao wa Leza utalembedwe, obo bulenge mbo bubeleka kweendelana aa mulao Wakwe.

<sup>81</sup> Mbuli buyo, kukanana kuswaangana kwa dilwe, kuli musinza uuselemukila mu cuumbwe, kungsi lya miyanda ya cisamu, kukkalila omuya kusikila ku bubuke mu mubutololo. Walo mulao wa Leza. Taakwe bupampu bukonzya kubamba musinza ulya kuunka aansii; inga tokonzya kuusipa, inga tokonzya kuugusya. Kunyina nzila yaku cicita mbotu kwiinda Leza nja cita. Leza ujisi nzila ilondokede. Aboobo cindi itu lyaloka, mpawo Ula tuma musinza kungsi mu cuumbwe a kuusisa. Mbuli Jobu mbwakaamba, “Kondisisa mu cuumbwe kusikila bukali Bwako bukainde.” Mwabona? Bula unka aansii alya nkaambo mulao wa bulenge, kakutanaba kutontola kuleta caanda. Amulange ku matu lino atalika kuloka. Nkaambonzi? Walo mulao wa bulenge.

<sup>82</sup> Madada ayoboola antoomwe, limwi alimwi lya ngawo, akubungana kuzunguluka musololi. Mukati omuya ayoziba bumwi, Nse zyi mbwa cicita, pele alizi kuti ulya mukombwe wadada muniini ngo musololi. Elyo mulongwe oyo muniini, oonse alaboola antoomwe a kubungana nkoonya kumuzunguluka, a kuuluka mpoonya mu luwo. Elyo uyo... taana zwide mu ciziba eco lino, pele uyo unka buyo kugama ku Louisiana na Texas mbuli mbwa konzya kuunka, ku myuunda ya raisi. Mwabona, kaatana kuuluka, kusiya muunzi wawo oko nkwaka zyalilwa mwaka oyo, ala kamantana antoomwe. Ameni! Mboobo we; kubungana kuzunguluka musololi wawo.

<sup>83</sup> Penzi lya ncico lili, a muntu, tazi musololi wakwe. Iiyi, munene. Bayo bungana kuzunguluka kabungwe, bayo bungana kuzunguluka bishopo na muntu, pele taba kabungani kuzunguluka Musololi, Muuya Uusalala mu Ijwi. Mwabona? Ba lati, “Oh, ee, Nda yoowa kuti Ndi yooba ciimo canguzuuzu aniini; Nda yoowa kuti Ndiyo leya a kuba aa nzila italuleme.” Ohhhh, mboobo we! Ino ikuti na kadada kakati, “Nse yandi buyo nzila mbwa bamba mapepe aakwe. Nse syomi kuti Ndiyo mucecilila.” Uyo tontola calufu. Uyo jatwa kutala kuya, ikuti na totoli a i—i kuuluka mbuli mbo kuunka. Kala likamantanya keni antoomwe, elyo bulenge bula cita obo.

<sup>84</sup> Basyalwiili bala kamantana antoomwe, a kubunganina musololi wa mbabo; bala cita cintu nciconya.

<sup>85</sup> Sena mwakasola kubona nzuki kazyeeenda mu bunji? Nzuki ziyo likamantanya antoomwe, kazitana eeenda mu bunji, nkoonya kuzunguluka siduunta. Mbo mbubo. Elyo koonse nkwainka, zilazwa kutobela azyalo. Iiyi! Ino zicita nzi? Zila kamantana kazitana kweenda mu bunji. Mbombubo; bulenge boonse!

<sup>86</sup> Inswi zila likamantanya antoomwe butololo kabutana kunka. Kuya mu lwizi, inga mwa zijana; zyalo zipati. . . nzyo twiita kuti “intunda,” zya salumoni. Cindi zya sika kuya, kalonga kakatana kunka, muyo zibona kazili ku makumi aazyuulu, kuya mu lwizi omo, kuboola koonse a koonse; maanzi aamunyo, pele mu bwini ni inswi zya mu maanzi mabotu. Elyo awa zila tanta kwini mu maanzi ayo mabotu, kuya kutala kuciindi caku zyala mai. Zila inka kutala a ku zyala mai, kutandila kwainda myaka ili yone, a kufwa mpoonya buyo zya zyala mai. Elyo zilizi kuti ziinka kokuya kuyooftwa, nkabela tokonzyi kuzilesya kubelesya cintu cimwi. Ziyu sotoka zikama zyanswi a zintuzyonse zimbi, kutanta kuya, mu kuziba kuti ziinka ku lufu lwazyo. Pele mulao wa bulenge nguuzi citya, kuziba kuti ziinka kutala kuya kuzyala mai mu zilindi, a kufwa. Elyo bana bala boola, alimwi cintucimwi cilaba kamantanya antoomwe mpawo, alimwi omuya mu lwizi bala unka. Bali mukukamantana! Walo mulao. To konzyi buyo kuzunda mulao wa Leza.

<sup>87</sup> Masi ali—ali mukumwaika, ku ciindi lino nco tu bona kuti—kuti aeleda kucita eci. Tuli muntaamo ya manyongwe aa cisi. Tula bona masi kaajaya luswaanano. Mwaka a mwaka, tu jana cisi eci kacimenwa mu kkomunizimu; cimwi eci kacimenwa mu kkomunizimu. Elyo moonya muno mu cisi cesu cini, cazula kkomunizimu, alimwi iyo tola bweendelezyi! Mwabona, iyo cita, taakwe nzila yaku cilesya. Nkaambonzi? I kaambo nkakonya nco mwata kakonzya kulesya Titus. Bantu bakakaka Leza a Ijwi Lyakwe. Iiyi, munene, aboobo bayo cicita, nkabela tula cibona ncobeni muciiindi ca kucitika.

<sup>88</sup> Mebo, kanjikanji, Ndi tola maoora akubwene; Nda tola kale kutandila maminiti ali makumi otatwe, ndyoonya lino. Mwabona? Pele ku njizya zyoonse ezi mukati, Ndiya butonta buyo. Amu kacibale cindi mwasika ku ng’anda.

<sup>89</sup> Amubone, zili mukukamantana ndyoonya lino. Yebo wati, “Mukwesu Branham, sena obo mbwini?” Zili mukusika ku Nkondo ya Amagedoni; mbubonya buyo mbo bayoocita. Mwabona? Elyo zili mu kulikamantanya nkaambo kanjiyo ndyoonya lino. Nke kaambo nco tujisi U.N. a zyoonse nzyo tujisi. I Nyika ya Kumbo ilimu kukamantana ku kulwana Nyika ya Kujwe, kkomunizimu azimbi zimwi, zyoonse zili mukukamantana antoomwe. I mabungano ali mukuli kamantanya antoomwe. Zintuzyonse ziboneka kukamantana. Kukamantana, kukamantana kwazyo antoomwe, tula bona eco.

<sup>90</sup> Akwalo, kuciindi koonse kukamantana kwa cisi, zitondezyo ezi, zitondezyo zya cisi, tula bona kumasena awa mu inyika, mizunzumo yanyika mu masena ansininsini, zintu zyandeene kazili mukukamantana; kuleta inyika antoomwe, kuleta bantu antoomwe, mabungano oonse antoomwe, zintu ezi zyoonse. Elyo kuciindi kukamantana oku koonse noku zumanana, kuli

kukamantana kumbi kuya buzumanana. Ameni! Oko nko nkuko Nkwe yanda ku mutondekela lino.

<sup>91</sup> Leza uli mukukamantanya Nabwiinga Wakwe. Uli mukuboola antoomwe, kuzwa Kujwe a Kumbo, a ku Nyiika aku Musanza. Nceeco ciindi cakukamantana, alimwi cili mukucitika ndyoonya lino. Ino Uka mantanina nzi? Kwalo Nkukwempwa. Ameni! Leza ulimu ku Mu bamba kulibambila. Iiyi munene, kukamantana! Ino Uka mantana aanzi? A Ijwi! “Nkambo majulu oonse a inyika ziyo loba, pele Ijwi Lyangu tali kalobi.” Uli mu kulikamantanya Mwini a MBUBOUBU MBWAAMBA I MWAMI kakutakwe kubikkila maanu kuli eco kabungwe kali koonse na muntuumwi uumbi uli oonse ncaamba. Uli mukulikamantanya Mwini. Uli muku libambila. Nkaambonzi? Walo ngu Nabwiinga. Mbo mbubo. Elyo Uli mukulikamantanya Mwini a Sibwiinga Wakwe, mwabona, alimwi Sibwiinga ndi Ijwi. “Kumatalikilo kwakali Ijwi, Ijwi lyakali antoomwe a Leza, alimwi Ijwi wakali Leza. Elyo Ijwi lyakalifungula kuba mu mubili wabuntu a kukkala akati kesu.”

<sup>92</sup> Elyo Mbungano a Nabwiinga a Ijwi zyaba bomwe maningi, kusikila ndyoonya Ijwi Lini lizwidilizya milimo ya Sibwiinga. Ameni! Nywebo mwa cibona? I kukamantana! Kutali buyo, “Kusangana mbungano”; kutali buyo ca *ceeci*, pele amatije ku zintuzyonse a kwaangwa kuli Jesu Kristo. Mwabona? Nciindi cakukamantana. Leza, kakamantanya Nabwiinga Wakwe antoomwe, ku Mu josya; mbubonya buyo. Kukamantanya Majwi aa cisyomezayo Cakwe.

<sup>93</sup> Ba Tesalonika Babili, cipati 2; Yaamba kuti, eci cipati 5 caamba kuti, “I basalali abo boona mu bulongo bwa nyika bayoobusigwa. Elyo mpawo tuyo kamantana a mbabo (bantu baumi, a baabo bakafwide), yookamantanisigwa katutana kusika kutala Kuya,” nkaambo Nabwiinga unoozulilide cindi Aa kusika kutala Kuya. Aabo baumi, bali mukulikamantanya a Ijwi, a baabo bakainka kale baka cita eco; elyo coonse Ci boola antoomwe, kubamba lukamantano lomwe lupati ilwa kukamantana kakutanaba kwiinka kutala Kuya. Ameni!

<sup>94</sup> Kkomunizimu yeelede kubuka, zintu ezi zimbi zyelede kubuka, a mbungano yeelede kuli kamantanya ini kutala okuya, cindi ayo. . . a masi kumasena kuya nkambo ka Nkamu ya Inyika iya Mabungano; alimwi Nabwiinga weelede kuli kamantanya Mwini kubweendelezi bwa Ijwi lya Leza. Mu kutegwa kucitwe ceeco, Leza wa tuma citondezayo Cakujulu a zintu, ezyo zitondezayo ku Mbungano, mbuli Mbwa aelede ku cisi. Ameni.

<sup>95</sup> Leza; ciindi cakukamantana! Iiyi, munene. Oh, ma! Lino, nywebo mulayeeya, lino, kuli kukamantana kwa Ijwi (kujokela kukamantana alubo), ku pilusya “Lusyomo olo lwa kapedwe ku basalali ciindi cimwi.” Ku pilusya! Cakuti oku kukonzeka

buyo kucitwa mu buzuba bunu. I ciindi buyo nocikonzya kucitwa ndyoonya lino. Kwiina nocaka lwanidwe kuli koonse kumwi; ba kaleya akuba a zitiliba zyatubungwe. Pele lino, ta cizulilwi kucitiliba catubungwe, nkaambo nciindi cakukamantana kwa baalumi a banakazi bamikowa yoonse, mibala yoonse, tuyanza toonse, zintuzyonse zili kungsi lya Kristo ku Lubbizyo lwa Muuya Uusalala a kujokela ku Ijwi.

<sup>96</sup> Ciindi cakukamantana ku Mbungano! Oh, ma! Kukamantanya Ijwi lyoonse elyo lyaka mwaidwe mu masena andeene kwiindaku tubunga otu: lyoonse kuzwa kuciindi ca Nicaea, Rome, cindi ne bakabunganya mbungano ntaanzi, alimwi ba kabunganya Luther, ba kabunganya Wesley, ba kabunganya mabungano ambi oonse. Elyo kucita ceeco, ba kacita kusala kayanza, alimwi mpawo Leza nakatuma cintucimwi cimbi, teeba kakonzya ku Ci tambula. Aboobo, tii cakakonzeka kusikila lino. Elyo Leza wakasyomezya, mu mazuba aamamanino, kuti “Lusyomo lwa matata luyo boozegwa kuli Nabwiinga alubo,” kuti kuyooba mu nzila eyi, alimwi tiica kakonzeka kuba ciindi cimbi pele ciindi cino. Amulange citondezyo mbocibede kuzwa ku Julu, Musumpululu wa Mulilo kaulengelela akati kesu, a zitondezyo a zigambyo izya Mwami Jesu Kristo. Elyo kuciindi Na kanana kuli ndiswe, Ta cikakilwi kuba cilondokede aa ciindi cini. Amen! Mpawo tula bona awo mpo twiimvwi. Ciindi cakukamantana!

<sup>97</sup> Tula bona masi kakamantana, tula bona inyika kiikamantana, tula bona kkomunizimu kiikamantana, tula bona mabungano kakamantana; alimwi tula bona Leza kali mukulikamantanya Mwini a Nabwiinga Wakwe, kusikila Walo a Mbungano baba cintu comwe. Aleluya! Mbuli piramidi okuya. Ncibotu! Kulikamantanya lwayo antoomwe; Leza kakamantana! Nkaambonzi? Tacina citikide, kuzwida ku bukkalo bwa mbungano butaanzi, wakali Musumpululu wa Mulilo iwa kaliko lyoonse aakati ka bantu. Tacina citikide, kuzwida ku bukkalo bwa mbungano butaanzi, sena kuli niba kasola kubona zintu nzyo tubona sunu. Elyo eci cakabambwa buyo kukonzeka cindi Leza naakatuma Zinatamizyo zili Ciloba a ku tupa citondezyo kwiinda kuli Nzizyo, a kutuma Baangelo bali ciloba kuzwa ku Julu; alimwi kuboola kujosya Ijwi lyaka mwaidwe mu tubungwe, alimwi a kuliswaanganya kujoka mu Ijwi lya Leza alubo, kuselusya Muuya Wakwe Uusalala.

<sup>98</sup> Jesu wakati, “Kuti na mwakkalila muli Ndime a Ijwi Lyangu muli ndinywe, mpawo amulombe nco muyanda, ciyo citwa kuli ndinywe.” Kukamantanya Nabwiinga a Ijwi alimwi, lili ngu Leza. I Mbungano a Ijwi, kutali Mbungano a kayanza, Mbungano a Ijwi; Nabwiinga a Ijwi zyakamantana antoomwe. Oh, ma! Kunzi i . . . Kuboozegwa kunzi? I Lusyomo lutaanzi lwa matata aa pentekoste, mwabona, olo lwaka mwaigwa aa nkamu ya Luther. Kutali Luther mwini; kutali Luther, kutali Wesley,

kutali abo basikutalisya bapati. Pele nokwakamana kwiinka kwabo, kwakaba mbungano ya kabusigwa, alimwi baka... ncinzi nco bakacita a njiyo mpawo, bakapanga kabunga kuzwa kuli njiyo. Ba katambula tuyanza azimwi zimbi, nkabela mbaabo bakainka. Elyo amubalange sunu, lino baboola mu Nkamu ya Inyika iya Mabungano.

<sup>99</sup> Lino, nywebo mwabona, pele mu mazuba aamamanino, nywebo mwabona, tula bona zintu kazicitika lino ezyo zitana citikide. Mwabona, ncitondezyo ca Leza, alimwi koonse oku kukamantana ncitondezyo ca ciindi. Lino, tu yanda kulangisisya eci a kuba masimpe loko kuti twa cimvwa. Kusiya...ba lasiya Ijwi lya kasimpe nkambo ka tubungwe; kutambula kayanza a mizeezo ya bantu bandeene mucibaka ca kubweza Ijwi.

<sup>100</sup> Ciyubunuzyo 10 yakati, “I Mulumbe wa angelo waciloba.” Lino amuyeeye, oko nkoonya Myeembo iili Ciloba, alimwi kuli baangelo bali ciloba balizya Myeembo iili Ciloba. Nko nkuko nkotu boola lutobela. Pele amuyeeye oko, Lya kaamba cigaminina kapati kuti, “I wa angelo...,” kutali Mweembo wa angelo waciloba, pele “Mulumbe wa angelo waciloba.” Mwabona, kutali angelo wa Mweembo, angelo wa Mulumbe! Mwabona, angelo wakalizya buyo mweembo, oyo angelo waciloba, angelo wa Mweembo. Pele eyi yaamba kuti, “Mu mazuba aa Mulumbe wa angelo waciloba,” mwabona, cindi Mulumbe wakwe waakumana. Mwabona, oyo Mulumbe wa bukkalo bwa mbungano. Mu ciindi eci, mpawo walo uyoo...i Mulumbe, kutali Mweembo, a “makani aasisidwe aa Leza (ayo aalembdwe mu Ijwi) aelede kumana.”

<sup>101</sup> Lino a mulange buzuba obo mbo tuponamo! Amulange ku Zinamatizyo ezyo, obo mbo zyakaleta aamwi Ijwi lya Leza eelyo lyakamwaikide, eco Luther a boonse bamwi babo, balo basilubambululo bapati baka yutuka; kupiluka kwini a kucitondezya mu Bbaibbele, awo mpo zyakeelede kuba; muntu woonse nkoonya ku mbaakani yakwe, eco nca yocita a cinga ciyoocitika ku mbungano; nca yocita, a ceeco ciyo citika ku mbungano; a zintu ezi zyoonse nzya kasiya aambali. Elyo mpawo, mu buzuba bwa mamanino, cindi ne twa takazi cintu kujatikizya ncico, caka twaambila zyakumbele zya cintu cimwi kucitika; ayalo mitende a zintu zya kacibweza, a kuseluka mpoonya aansa a kuciyubununa a kuswaanganya makani aasisidwe antoomwe. Amen! Mukwesu, obo mbweebesi bupati kuli ndime! Kutu, kuli ndime, koolola Ijwi. Amen! Ta ndikwe makani eco—eco, na, Nsekwe makani eco bantu nco baamba, kuyeeya, eco cili kabotu, pele kuli ndime bwalo Mbwini.

<sup>102</sup> Mbuli bantu basongo, kabaselemuka kuzwaku Babuloni, ba kakwiila, “Uuli Kuli, Mwami wakazyalwa waba Juda? Ula a nyika, ndyoonya lino. Twe elede ku Mu jana.” Mbo mbubo. Elyo Nda syoma Walo uli muni loko kuboola awo mpenga Nda amba, “Amubone, Sibwiinga wasika! Nda mvwa koongolola kwa

akatikamasiku!” Ameni! Tuli nkoonya ku ciindi camamanino. Oh, ma, oora ndyo tuponamo. Amubone. Mwabona?

<sup>103</sup> Ino mbuzuba! Ino nciindi nco tuponamo, aaya makani mapati aasisidwe aa Leza ali mukumana; ku njizya Buleza, kutondezya Mbo bubede; obo tukamu otu twazilengwa zita tonkomene, nkabela twa kaleya aku Mu bamba *obu*, a muntuumwi waka Mu bamba *obu*, a muntuumwi waka Mu bamba *obo*. Pele Angelo wa Mwami wakaseluka aansi aku tondezya tukamu twabo toonse twazilengwa zita tonkomene, a kusomona Bwini obo kuzwa kuli ncico, aku Bu zibya. Elyo mboobo Mbo cibede, caculondoka buyo mbuli Mbo bukonzya kuba, taakwe nzila imbi nko konzya kuya. Mboobo we, obo mbo mbubo Mbwa bedede. Amubone, lunyungu lwa nzoka, zintu zyoonse—zyoonse ezi zyandeene zyakali maseseke loko aakati ka bantu. Mwabona? Ino ncinzi? Wa ka... Eci ncitondezyo kunzi? Kukamantana!

<sup>104</sup> Ino Wa kaamba nzi muli Malaki 4? Uyo boozeyya! Ku boozeyya Lusyomo lwa pentekoste lutaanzi, kupiluka ku bantu a Mulumbe nguonya wa pentekoste, citondezyo ca pentekoste nciconya, cizibyo ca pentekoste nciconya, Leza nguonya, Nguzu nzyoonya, luyiisyo ndoonya, zintuzyonse mbubonya, akusimpikizigwa kwa Musumpululu wa Mulilo nguonya waka umina aansi Saulo mu mugwagwa, kuselemukila ku Damasiko uli aakati kesu sunu, kuucita zintu nzyoonya Nzya kacita mu buzuba obuya. Kukamantana!

<sup>105</sup> Tula bona masi kali mukukamantana, tula bona nyika kiili mukukamantana, tula bona mabungano kali mukukamantana. Tula bona Nabwiinga kakamantana, kukamantana a Ijwi. Nkaambonzi? I Ijwi ngu Leza. Elyo mbuli Ijwi... Elyo mbuli Sibwiinga (mukuba Ijwi), a Nabwiinga (mukuba sikuswiilila wa Ijwi), Bala boola antoomwe mu Lukamantano. Bala kamantana mbuli mucado. Mwabona, Bali libambilide ku mucado, alimwi Balo—Balo baba Bomwe. I Ijwi lyaba ndinywe, nywebo mwaba Ijwi. Jesu wakati, “Ku buzuba obo muyo ciziba. Koonse oko Taata mbwabede, Mbwebede; alimwi koonse obo Mbwebede, mbo mubede; alimwi koonse oko mbomubede, Mbwebede. Mu buzuba obo muyo ziba kuti Ndili muli Taata, Taata muli Ndime, Mebo muli ndinywe, a nywebo muli Ndime.” Mwabona? Ku “buzuba obo.” Buzuba nzi? Buzuba buno! Tu jana kuti makanimapati imasise aa Leza ali muku yubununwa. Oh, obo Mbwe yandisya eco!

<sup>106</sup> Oh, amubone obo sayaansi a Ijwi mbozita konzya kweezyanisya, mbuli mbo bacita buzuba buno. Teeba kakonzya kucicita kaindi. Nde lino buyo noba konzya kucicita.

<sup>107</sup> Amubone, Wa kati, “zitondezyo zyakujulu, zitondezyo zyakujulu.” Sayaansi, a zitondezyo zya cisi; lino bali jisi zitondezyo zipati mu mulengalenga sunu, bali jisi basikweenzya



ndeke mu milenga a zintuzyonse. Pele ino aba basikweenzya ndeke mu milenga bacitaanzi ku inyika, citondezyo? Ziba letela buyoofu. Ta bazi ciindi nce bakonzya kuba tumizya cintucimwi mbuli ceeco a kulosya buyo mabbomba aya, alimwi inga katutaciko limbi. Mwabona? Lino ezyo nzitondezyo nzo bajisi, zintu ziboneka kuyoosya mu julu. Mwabona? Bali zijisi, tudandamiti twa mabbomba a zintuzyonse, misyobo yoonse ya zitondezyo.

<sup>108</sup> Mwabona awo mpo baka saina cipangano eci—eci, buzuba bumwi, kuti taba kabbotoli limbi mabbomba antangalala, pele lino baunka kuni lya maanzi akuni aanyika, kwaasoleka mbubonya buyo. Mwabona? Ba kasaina cipangano, “Tatu kaciti eci, ikuti na mwaamba kuti tamu kaciciti (pele tuyo jokela okuya ku muunzi akuyo cicita nzila eyi; kakuli tu lizi kuti muyocita nzila njiyonya okuya).” Mwabona? Takucikwe buyo cintu, cili buyo. . . taakwe kusyomeka akati kabo, taakwe—taakwe cintu. Inga mwacita. . . Mwabona? Elyo boonse bala yoowana. Eco nцитondezyo ciyoosya.

<sup>109</sup> Sayaansi a muntu a masi bazyala citondezyo ciyoosya mu milengalenga. Obo mbombubo ncobeni. Lino, ku yoowana. Elyo kwakali citondezyo cakujulu cakapegwa ku i. . . Mwabona lino, bali jisi citondezyo mu julu akwalo, citondezyo ciyoosya, muntu mu ndeke yamu milenga; ndiza kaijisi tudandamiti twa mabbomba, a konzya kuloka a konyonyoona cisi coonse. Kutanta mu ndenke yamu milenga, a kuboneka kabotu kuya. Taakwe cintu cikonzya kubalesya kucicita. Bala konzya ncobeni kucicita, bala. . . kufumbwa ciindi nco bayanda. Bala konzya kucipanga kuba lusuko nibali kuyanda, pele. . . mu mamineti ali kkumiaosanwe kuzwa lino. Elyo eco umwi nca konzya kucita, umwi umbi mu nzila eyo, awalo. Aboobo, nywebo mwabona kuti bali jisi citondezyo, pele musyobo oyo wa citondezyo ubabamba kuyoowa.

<sup>110</sup> Bali mukukamantana antoomwe, kubikka nguzu zyabo antoomwe. I inyika ya bulubusi, bali mukubikka nguzu zyabo antoomwe. I kkomunizimu ibikka nguzu zyabo antoomwe a Russia. Bantubonse; pele umwi aumwi uyoowa umwi. Mwabona, nцитondezyo ciyoosya. Mbo mbubo. Ezyo nzitondezyo zya cisi, a zintu.

<sup>111</sup> Pele Mbungano yatambula Citondezyo Cakujulu: Sikweenzya ndeke mu milenga! Ameni! Jesu Kristo, mucimo ca Musumpululu wa Mulilo; kuti Wa kaliko mu Cizuminano Cakale, kuti Wa kaliko cindi Na kaswaana Saulo mu mugwagwa kumusanza kuya ku Damasiko, nguwenya Jesu okuno sunu! Elyo Ci citaa nzi? Sena Ci leta buyoofu? Ci leta luyandisyo, kukamantana umwi aumwi. Ameni! I kulimvwa kuyandana kuli umwi aumwi. Ci leta Luyandisyo lwa Leza, oh, kutukamantanya a ku tuleta, Mubili wa Kristo, mu kukamantana mbuli

Nabwiinga. Eco ncencico cicita lino, olu lukamantano lupati Leza ndwa. . .

<sup>112</sup> Bali mukuli kamantanya beni, nkamu yomwe *okuno* ya kulwana imwi, nkamu yomwe *okuno* ku kulwana imwi imbi. Awa mbungano iliimvwi akati kazyo; amu langilile cicitika, iyo swaangana a nzizyo. Obo mbombubo ncobeni. Pele, lino, tu jana kuti kuleta kuyoowa a kunyongana.

<sup>113</sup> Pele Mbungano, Nabwiinga, uli kamantene a Leza omwe, kungsi lya Muuya omwe, Muuya wa Leza, mu Lukamantano lwa Leza lomwe lusalala, ku kuba Nabwiinga omwe uusalala kuli Leza. Eco cililuleme, boonse antoomwe; luswaanano lwa Mubili. I Mubili kaulindila mbuli Nabwiinga; mbuli—mbuli Mbwali Nabwiinga, mbuli mbo tuliita kuti Nabwiinga. Nkambo nciindi cakukamantana kwa Nabwiinga, Mbungano iboola antoomwe maningi. Ceelede kulenga luyandisyo buyo akati kesu, kutegwa tu takonzyi kutantamuka kuli umwi aumwi. Eco cililuleme. Ciindi nywebo buyo, nomu teeledede kukombelezya bantu kukomba, ta mweeledede kuba kombelezya kukomba Leza, ta mweeledede kuba kombelezya kucita ciluleme. Bali buyo mu luyandisyo a Nguwe, kusikila takucikwe cintu cimbi.

<sup>114</sup> Nciinzi nco muyeeya kujatikizya musimbi muniini, musimbi mubelesi muniini weebeka kapati, uyo kwatwa ku mwaalumi mukubusyi mubotu oyo ngwa yandisya kapati, kwalo caamba kunji kuli nguwe kwiinda buumi bwakwe bwini, alimwi ulizi kuti ndyoonya buyo bayo kwatana? Mbuli buzuba obo bwa mucado mbo buswena, muntu oyo muniini, Nda mwaambila, walo “uleendeenda koonse.” Mwabona? Uli mukubamba ncobeni zintuzyonse; ula lipa cakumaninina kuli nguwe. Eco cililuleme. Zintuzyonse zimu botelezya, nze zizyo buyo nzya yanda kucita. Ee, eyo njeyelede kuba nzila ya Mbungano sunu, kuti buumi bwesu bweeledede kuiswa loko muli Leza kwiinda muli Kristo, kunamatikwa muya kwiinda ku Muuya Uusalala.

<sup>115</sup> I cintu nce Nda kali kumuyiisya kuno, nku mwaambila zitondezyo ezi a zintu ziindene zicitika, Nse jisi ciindi cakucicita lino; yocita mu mulumbe uumbi, Mwami nawayanda. Pele nkokali kantu komwe kasyoonto kacibulide mu Mbungano. Elyo tu yanda kaako, kusika kuli kaako, alimwi Ndili nkoonya kumamanino a nkako lino. Mwabona? Tu yanda kusika kuli kaako, ikuti. . . mweeledede kukacita. Ikuti na tamu kaciti, nkukoonse buyo, mweeledede kukacita. Nkambo amulangisye, ciindi cakukamantana cili afwaafwi, nkambo Leza uli mukuswaanganya Mbungano antoomwe ku kuba i—i Kukwempwa kuyaku mucado wa Lukamantano Lupati: cindi Leza a muntu nibayo kamantana kwa Butamani, eelyo zilenge zya ciindi ziyo kamantana a Butamani.

<sup>116</sup> Ca kacitwa ciindicimwi muciiimo ca Mwana wa muntu aa nyika. Elyo Wa kacita kupa Buumi Bwakwe kuleta makani

aa nguzu, kukamantanya bantu bamwi a Nguzu ezi nzyoonya, kuli Nabwiinga wa Jesu Kristo. Elyo lino Mbungano ilimu kulikamantanya Lwayo ku Mubili wa Kristo. Ili muku Lya angulula, kulikosola kuzwa ku zyaanzyo zyoonse zisyoonto, Yalo kaili mukulibambila; kuswaangana antoomwe, ku lukamantano akati kabo; oh, luyandisyo a lutangalo, a Muuya Uusalala kuuenda akati kabo. Oh, ma, ino nciindi!

<sup>117</sup> Mbuli mbo tu bona madada kaalibambila, tula bona basyalwiili kabalibambila, tula bona banyama...nzuki kazilibambila, tula bona makumbi kaalibambila ku mvula, tula bona zintuzyonse; obo mbolili kamantanya antoomwe, ncintu cilemu ca kuzwidilizya. Tula bona Mbunga ya Masi, ya masi antoomwe, kalikamantanya mu kkomunizimu. Tula abona ali mukulikamantanya okuno mu Inyika ya Kumbo. Tula bona mbungano kiili kamantanya antoomwe, zyoonse ezi zimwi. Aboobo tacikonzeki ncobeni, takukwe ciindi cimbi nocikonzya kuba nzila eyi; nicata kakonzya kuba boobu myaka iili makumi obile yainda, nicata kakonzya kuba boobu. Nicata kakonzya kuba boobu kwa myaka iili kkumi yainda, ceelede kuba ndyoonya lino. Mwabona, nkaambo tukamu twa zilengwa zita tonkomene tiitwa kalina boola ku busena obu.

<sup>118</sup> Lino amusinsimuke! Amuli yuuntanye, eno cakufwambaana, a kupakamana kulanga awo mpo tubede! Mpaali mpo tubede? Mbuli baabo bantu basongo, tuli mu bweendelezi ncobeni a Ijwi Lyakwe, elyo Mumuni wa Mwami ulamunika mu kazila kesu. Bulemu bube kuli Leza wa Kujulukwini. Elyo Bulemu bube kuli Leza Oyo wakatupa Jesu Kristo, Oyo ngo tu yanda, alimwi watuleta ku busena obu. Elyo mbuli mbo...Tuli bantu Bakwe, bakaulwa a muulo wa Bulowa Bwakwe.

<sup>119</sup> Oh, ma! Cindi cakukamantana casika, tula langila, mbuli mbo tu kamantana kuli umwi aumwi mu zyaanzyo zya Muuya Wakwe, tu...Sena inga waba Muuya Wakwe? Ncobeni, Oyu Muuya Wakwe. Nkaambonzi ncouli Nguwo? Ndi Ijwi Lyakwe, alimwi Walo ngu...oyo Muuya wa Ijwi. Elyo cindi oyo Muuya wa Cisyomezyo waboola ali nduwe a kulisimpikizya a kulitondezya Lwalyo mpoonya awa, sa Ngo Muuya nguonya? Wa kali Nguwe iwakali antoomwe a Musa mu nkanda! Wa kali Nguwe iwakali aali Jesu Kristo! Walo Nguwe wa kaswaana Saulo mu lweendo lwakwe ku Damasiko! Ngu mbobuca nguwenya, sunu, amuya myaaka! Elyo Ula cita cintu nciconya!

<sup>120</sup> Elyo tula bona masi antoomwe, tula bona mbungano kiiya buba antoomwe, tula bona kkomunizimu antoomwe, tula bona tukamu twazilengwa zita tonkomene katu kamantana, tula bona zintu ezi zyoonse; alimwi lino tula bona Nabwiinga kakamantana a Ijwi. Oh, ma! Nciindi cakuti basalali bayo buka kukabe kukamantana abaabo bapona, kuunka kuyo kamantana a Jesu Kristo ca Butamami.

<sup>121</sup> Akube kuti Leza atu gwasye, umwi aumwi, ku kamantana a Kristo sunumasiku, tuyo tuula zintu zyesu zyoonse mbuli mbo tubede, zintuzyonse nzyo tujisi, buntu, mubili, a mizeezo yesu yoonse, kuli Jesu Kristo, a kulangila ciindi cakukamantana oko.

Cindi mweembo wa Leza iwaa kulila, a ciindi  
ta cikabi limbi,  
Elyo cifumo ciyo pasuka kuba Butamani,  
bumweka a bubotu;  
Cindi bafwide muli Kristo baakubuka a  
kubungana okuya ku nkomwe imbi kulaale  
(a Nabwiinga oyo uupona), ku kukwempwa  
antoomwe.

<sup>122</sup> Amulange kukamantana! Leza ukamantanya Mbungano a Ijwi Lyakwe, Ijwi a Mbungano, cakuti zyobilo ziba comwe, “Kwaamba *eci*, nkabela ciyo citika. Kocita *eci*, nkabela ciyo citika. Eci ncecico; oyu Ndime kumbele lyanu, oyu Ndime ucitondezya; oyu Ndime ulaa ndinywe.” Ncibotu.

<sup>123</sup> Tu jana kuti lino ciindi casika eelyo Mweembo wakulila, elyo abo basalali bakoono kaindi kuya, taba konzyi kulondolwa kakutakwe ndiswe; ba langila kuli ndiswe (Hebrayo 11); elyo cindi baaku boola antoomwe, bayo kamantana a bamwi bapona. I Mbungano kaikamantana a Ijwi, mpawo Mbungano a Ijwi kazi kamantana antoomwe, mukuboola kuba bomwe. I basalali bafwide a basalali bapona kaba kamantana antoomwe kuba bomwe; alimwi boonse kabaunka antoomwe kuyo kamantana a Kristo kutala, ku Cilalilo ca Mucado iwa Mwanaambebele.

<sup>124</sup> Nciindi cakukamantana, a zitondezyo kazyuluka kumasena oonse. I zitondezyo zili mu masi, zitondezyo zili muli kkomunizimu, zitondezyo mu Inyika ya Kumbo, zitondezyo mu Nkamu ya Mabungano. Elyo Citondezyo cili waano ku bukwalilizi bwa Muuya Uusalala, a Ijwi lya Leza kali cisimpikizya a ku cibamba kuba Bwini. Ameni! Ciindi cakukamantana! I citondezyo ca Ciindi Cakukamantana!

Atu kotamike mitwe yesu.

<sup>125</sup> Mwami Jesu, moyo utakweankouya usotaukila lutangalo, mbuli Mbwe bona kukonzeka kuli ndime, mwaalumi wakukomena kwaakati, pele nekuba, kukonzeka kuli ndime Ku kubona kunjila mu nzyalani eyi; kuba muumi a kwiima awa, a kubona cindi Mweembo oyo waakulila, “Oyo uso fweede, uci sofweede. Oyo uululeme, uci luleme. Oyo uusalala, uci salala.” O Mwami Leza!

<sup>126</sup> Elyo kuyeeya ndiswe katwiimvwi, mu kaindi kaniini, mu kulaba kwa liso, cindi inyika nita kazibi eco cino citika, pele ndyoonya buyo, muyo bona kulibonya kumbele lyanu, bamwi bayandwa banu bakaunka, beelede kuboola kukamantana a ndinywe alubo. Elyo tuyo cincwa mu kaindi kaniini, mu kulaba kwa liso; a kukwempwa, antoomwe, kuyo swaana Mwami

wesu mu mulengalenga. Elyo mpawo kukamantana a Nguwe, kuba kokuya kwalyoonse, a kuta yooba aanze Iya Busyu Bwakwe alubo.

<sup>127</sup> Ino ncintu cipati sunu, Mwami, kuziba kuti tuli kamantene a Muuya omwe. Muuya Omwe, Muuya Uusalala, ujisi Ijwi mubwendelezi Bwakwe buzwidilila, liboola muli ndiswe. Elyo ino ncintu cibotu, ino ncoolwe cakwaangululwa ku inyika yoonse, kuli kamantanya lwesu kuli Jesu Kristo. Elyo kuyeeya kuti buzubabumwi, mu ciimo cakunyama, a mubili mbuli mubili Wakwe Wini wabulemu, tuyo kkala ku tafule ku Cilalilo ca Mucado elyo okuya kuba bakamantene a kucada mu lukwatano kuli Nguwe; kupona mbuli Nabwiinga a Sibwiinga kwiinda mu ziindi zyoonse zyeelele kuboola, kwiinda mu Butamani butagoli.

<sup>128</sup> Mwami Leza, oyu utabi muzeezo wabuyo ku bantu, pele aube kasimpe kali boobu mane nzala a nyota ili boobu italike kuba mu bantu cakuti bayo. . . kubala mitende yabo, kulanga aa. . . kuswiilila ku redio a makani, a kubona kuti nciindi cakukamantana. I zitondezyo zila mweka.

<sup>129</sup> Mwami Leza, mbuli mbo twaamba zya banakazi, nzoba yoocita mu mazuba aku mamanino; eco mbungano nco iyocita mu mazuba aku mamanino; a ceeco Makkalo aa Mbungano mbwa yooba, a Zinatimizyo mbo ziyoooba, zintu ezi zyoonse zimbi. Elyo twa bona mbo kwakabede, mu mazuba akwa Nowa. Tula bona mbuli mbo kwakabede, mu mazuba aa Sodoma a Lota, cindi Angelo wa Leza naka lizibya Mwini mu mubili wabuntu, cakuti wakalya nyama ya ng'ombe a kunywa mukupa wa ng'ombe, a kulya cinkwa; a kwiima awo a kukonzya kwaamba eco cakali kucitika kusule Lyakwe. Elyo Jesu wakati cintu ncoonya ciyo citika ku kuboola kwa Mwana aa muntu.

<sup>130</sup> Mwami Leza, tula bona piramidi, mbuli mbo twa kaiyaka kutala kuya, a kubona obo mbo twa kasanganya zintu ezi kuli njiyo; elyo kujana kuti tuli ku ciindi cakumamanino, kulindila Ciswicabbwe Cipati. Bulemu kuli Leza! Twa lomba, Taata, kuti Uyo sinsimuna bantu, cakufwambaana lino, a kutu bunganya antoomwe, a luyandisyo lwa buleza a bulemu kuli Jesu Kristo a kuli umwi aumwi.

<sup>131</sup> Ikuti na kuli bamwi kuno sunumasiku bata jisi bulangizi obo bukkede muli ndinywe, sa inga watambika janza lyako kuli Leza a kwaamba, "Mwami Leza, ndikamantanye kuli Nduwe, ndikamantanye kuli Nduwe"? Leza aku longezye, mukwesu. Leza aku longezye, a yebo, yebo; iiyi. "Ndikamantanye kuli Nduwe, Mwami." Iiyi! Oh, ma!

Masi ali mukumwaika, Israyeli ilimu  
kusinsimuka,

<sup>132</sup> Amulange Israyeli okuya, kukamantana antoomwe. Israyeli, kuzwa koonse ku inyika, yaboola kuli kamantanya; kuli kamantanya nkabela lino balo ncisi. Balo ncisi cikamantene:

a ndembela yabo beni, mali abo, impi yabo, zintuzyonse; mbuli mbo bakabede lyoonse, mbo babede lino. Israyeli iikamantene, Rome ili kamantene, mbungano ili kamantene. Elyo Nabwiinga ulimu kukamantana, ameni; a kuboola kwa Lukamantano olo Lupati. Ino ncinzi? Loonse luswena ku Citondezyo eco, Citondezyo eci cipati cini, Jesu a Nabwiinga Wakwe kabakamantana kuba bomwe.

<sup>133</sup> Taata, Leza, kopa zileleko ezi nze Nda lombela bantu aba, alimwi akube kuti tu kamantane kuli Nduwe mu moyo a muuya, mbuli mbo batambika maanza abo, kuyandisya eco. Mwami Leza, ko tusalazya a ku tubamba kuba Bako; ko cipa, Mwami. Nku koonse nkotuzi a nko tu konzya kucita, nku lomba. Elyo mpawo Wa kati na twa cilomba a ku cisyoma, tuyo citambula; Nda cilangila, Mwami. Nda Ku lumba mu Zina lya Jesu Kristo. Ameni.

Nda Mu yanda, Nda Mu yanda,  
Nkaambo Wa kasanguna kundi yanda,  
A kuula lufutuko lwangu  
Aa cisamu ca Kalivari. (Ameni. Oh, ma!)

Amubone, Sibwiinga wasika!  
Nda mvwa kukwiila kwaakatikamasiku!  
Tuyo tanta a koongolola, ikuti na toonse twa  
zumanana kukkwaniya,  
A ku Mu swaana mu mulengalenga.

Kolangilila a kukomba, mukwesu wangu,  
Muntuumwi natana kusinkila kubweza  
musyini wako,  
Nkaambo sikuwa a ukasaala  
Taka sami cikobela ca lukwatano.

<sup>134</sup> Mbo mbubo. Atu libambile ku kukwiila oku kwaakatikamasiku. Kula boola mu oora ciindi nomu tayeeyeli. Kuyooaba kukwiila, kutali aakati ka bantu batasyomi; ayooaba maseseke. Pele basyomi, abo balangila kooku: Muyo bona nyenyeezi kaziboola mubweendelezi? Mwabona? Ino kwakaleta nzi? Mbubonya buyo mbuli mbo kwakacita ciindi citaanzi. Mwabona, mpaawa mpo tubede we, zitondezyo ka ziboola.

Tula bona zitondezyo kazilibonya zya Kuboola  
Kwakwe kulelekedwe,  
Amulange, amubone matu aa mukuyu lino  
alimukuba girini;  
I makanimabotu aa Bwami ainka mu masi  
oonse;  
Elyo tuli munsu, mamanino inga abonwa.

Mpawo cakukkomana, kuzwa, tuyo  
ambilizya Mulumbe wa kulibonya Kwakwe  
kulelekedwe,

135 Sa mbo mbubo? Oh, kwaambilizya Mulumbe wa kulibonya Kwakwe kulelekedwe! Eco nco tweelede kucita. Kwaambila bantubonse, “Amulibambile, kulibambila kuyo swaana Leza.” Ameni! Nda Mu yanda. Oh, mbo Ndi Mu yanda. Lino, atwiime ku matende esu lino. Mbuli mbo tu layana umwi aumwi, tambika koonse a kusukana maanza a muntuumwi, a kwaamba:

Kusikila tuka swaangane! (Amusukane maanza, lino.) . . . mane tuka swaangane!  
Mane tuka swaangane ku matende aa Jesu;  
Mane tuka . . .

Amuyeeye, inga mwaba a lwiito. Kuswaangana kwesu kutobela ndiza kuyooba ku matende Aakwe.

Oh, Leza abe a ndinywe mane tuka swaangane alimwi!

136 Lino, amuyeeye buyo, katutana kuyo swaangana alimwi; katutana kuyo swaangana Munsondo cifumo, na Bwata masiku, antela inga . . . cintu citaanzi nywebo mulizi, muntuumwi tako. Oyu umwi tako, nkabela baunka. Oh, kuyeeya mulumi wako kuti tako, na mukaintu wako kuti tako, a—a mukaintu wa John tako, a—a—a kokuno bana tabako. Koonse kwakacitika (ncinzi cakacitika?), mpawo wa syaala kusule!

Oh, ino nkoomoka a kulila cindi basweekede ciindi baa kwaambilwa lufu lwabo lutakwe buloboke,  
Ba kalilila myaala a malundu, (Mbuli Israyeli, mu kujokela mu muunzi, ku tempele.)  
Ba kakomba pele mipailo yabo yaka mukisya.  
(Ba kafutatila Mulumbe.)

137 Oh, mukwesu, uta soli kucita eco. Kufumbwa nco cita, koima acamba ku cintu cila bwiiminine! Iiyi, munene!

138 Lino, mane tuka swaangane, tuyo cita ceeci:

Ko tolelela Zina Iya Jesu,  
Mbuli ntoho kuzwa ku mapakasyo oonse;  
Cindi masunko aaku bungilila, (Ino ucita nzi?)  
Koamba Zina eelyo lisalala mu mupailo.  
Zina liyandisi, O mbolili bbotu!  
Bulangizi bwa nyika a lutangalo lwaku Julu;  
Zina liyandisi, O mbolili bbotu!  
Bulangizi bwa nyika a lutangalo lwaku Julu.

139 Atu kotamike mitwe yesu lino, mbuli mbo tung'ung'una:

Ku Zina Iya Jesu kukotama,  
Kuwa cakufugama ku matende Aakwe,  
Mwaami wa bami ku Julu . . . Mu samike musyini,  
Cindi lweendo lwesu lwamana. (Lu yooba, buzubabumwi.)

O Zina liyandisi, Zina liyandisi, O mbolili  
bbotu!

Mane tuka swaangane alimwi, Leza abe a ndinywe.

Bulangizi bwa nyika a lutangalo lwaku Julu;  
Zina liyandisi, O mbolili bbotu! Mbolili bbotu!  
Bulangizi bwa nyika a lutangalo lwaku Julu.





*I CIINDI CAKUKAMANTANA A CITONDEZYO* TNG63-0818

(The Uniting Time And Sign)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa imu Nsondo mangolezya, Ivwivwi 18, 1963, ku Branham Tabernacle mu Jeffersonville, Indiana, U.S.A., wa kagusigwa kuzwa ku rekordi yamagnetiki teepu a kulembwa cakatagwisyacintu mu Chikuwa. Obu busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2018 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubeleseghwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)